

陝西通志




第五十三卷

名宦四

令長

DS
793
S45S5
1735
V.53



陝西通志第五十三卷

名宦四

漢

胡建字子孟河東人孝武天漢中爲渭城令治甚有聲值昭帝幼皇
后父止官將軍安與帝姊蓋主私夫丁外人相善外人驕恣怨故
京兆尹樊福使客射殺之客藏公主廬建將吏卒圍捕蓋主聞之
多從奴客往犇射追吏吏散走主使僕射劾渭城令游徼傷主家
奴建報無它坐蓋主怒使人上書告建侵辱長公主射甲舍門知
吏賊傷奴辟報故不窮審大將軍霍光寢其奏後光病上官氏代
聽事下吏捕建建自殺吏民稱寃至今渭城立其祠

漢書
本傳

魏相字弱翁濟陰定陶人徙平陵舉賢良以對策高第爲茂陵令御
史大夫桑弘羊客詐稱御史止傳承不以時謁客怒縛丞相疑其

有姦收捕案致其罪論棄客市茂陵大治

漢書本傳

龔勝楚人舉茂才為重泉令病去官大司空何武執金吾關崇薦勝

哀帝聞其名徵為諫大夫

漢書本傳

轅豐建始間為長安令治有能名擢司隸校尉

舊志

蔡勲陳留圉人平帝時為郿令王莽遣人授厭戎連帥勲仰天歎曰

吾策名漢室死歸其正豈可事二姓哉遂携家屬逃入深山

續文獻通

考

韓稜字伯師潁川舞陽人為下邳令視事未周吏人愛慕時隣縣皆

電傷禾稜界獨無

漢紀

鄭興字少贛河南開封人建武九年左轉蓮勺令時郡縣荒殘興方

欲築城郭修禮教以化之曾以事免遂不復仕

後漢書本傳

孔僖字仲和魯人元和二年拜臨晉令崔駰以家林筮之謂為不吉

止僖曰子盍辭乎僖曰學不為人仕不擇官吉凶由已而由卜乎

在縣三年卒

後漢書本傳

楊琳為茂陵令比縣連歲蝗災曲折不入茂陵

耆舊傳

景毅字交堅梓潼人司徒舉治劇為高陵令立文學以禮讓化民

梓潼

志士女

段頗字紀明武威姑臧人好古學舉孝廉為憲陵園丞陽陵令所在

有能政

後漢書本傳

嚴遵長安令治政嚴明遷揚州刺史當遷民遮道止之凡三遷輒不

得行

四川通志

王阜世公為重泉令吏民向化鸞止學館阜使授官掾公沙疊為張

雅樂擊磬鸞乃舉足垂翅應聲而舞

路史餘論

王忱字少林廣漢新都人舉茂才除郢令到官至檉亭亭長曰亭有

鬼數殺過客不可宿也。恠即入亭止宿。夜中聞有女子稱冤聲。恠曰：有枉狀可前求理。女子曰：無衣不敢進。恠便投衣與之。女子前訴曰：妾夫爲涪令之官，過宿此亭亭長，無狀枉殺妾家十餘口，埋樓下，悉盜取財貨。恠問亭長姓名，女子曰：即今門下游徼者也。恠曰：當爲汝理此冤，勿復殺良善也。因解衣於地，忽然不見。明日召游徼詰問，具服罪，即收繫。及同謀十餘人悉伏辜，遣吏送其喪歸鄉里。亭遂清安。

後漢書本傳

任頽，永和間郃陽令。時東西羌寇隴西，掠關中，殺長吏。頽追擊戰死。

馬志

曹全字景完，敦煌人。建寧二年舉孝廉，除郎中，遷右扶風槐里令。遭同產弟憂，棄官。光和六年復舉孝廉，拜郃陽令。存慰高年撫育鰥寡，以家錢糴米粟賜瘠盲大女桃斐等，合七首藥。神明膏與有疾。

者咸瘳百姓襁負及者如雲戢治墻屋市肆列陳風雨時節歲獲
豐年縣前遭白茆谷水災興造城郭開南寺門承望華嶽鄉明而
治廣聽事官舍廷曹廊閣噴不出民役不干時門下掾王猷等刊
石紀功

漢郃陽令
曹景完碑

賈琮字孟堅東郡聊城人舉孝廉再遷為京兆令有政理迹

後漢書
本傳

袁遺字伯業紹從兄為長安令河間張超嘗薦遺於太尉朱雋稱遺
有冠世之懿幹時之量

三國志
本紀注

魏

倉慈字孝仁淮南人黃初末為長安令清約有方吏民畏而愛之

三國

志本
傳

晉

杜軫字超宗成都人除池陽令為雍州十一郡最百姓生為立祠得

罪者無怨言

晉書本傳

諸葛京亮孫隨才署吏後為郿令

晉泰始起居注

尚書僕射山濤故事曰郿

令諸葛京祖父亮遇漢亂分隔父子在蜀雖不達天命要為盡心

所事京治郿復有稱臣以為宜以補東宮舍人以副梁益之論京

位至廣州刺史

三國志諸葛亮傳附

張輔字世偉南陽西鄂人初補藍田令不為豪強所屈時彊弩將軍

龐宗西州大姓護軍張浚宗婦族也僮僕放縱為百姓所患輔繩

之殺其二奴又奪宗田二百餘頃以給貧戶一縣稱之

晉書本傳

北魏

宋稚字季預敦煌人景明二年拜白水縣令在縣十一年頗得民和

魏書宋繇傳

常景字永昌河內人延昌初元甚為雍州刺史景除錄事叅軍帶長

安令甚有惠政民吏稱之

魏書本傳

北周

張仁蘊武帝時為醴泉令有德政碑

金石集

隋

房恭懿字慎言洛陽人性沉深有局量達於從政開皇初吏部尚書蘇威薦之授新豐令政為三輔之最上聞而嘉之賜物四百段恭懿以所得分給窮乏復賜米三百石恭懿又以賑貧人上聞而止之時雍州諸縣令每朔朝謁上見恭懿必呼至榻前訪以理人之

術

隋書本傳

敬肅字弘儉蒲坂人開皇初為安陵令有能名

北史本傳

王伽河間章武人開皇末為雍令政有能名

隋書本傳

劉子翊彭城叢亭里人剛警有吏幹為新豐令有能名

北史本傳

高世衡渤海人櫟陽令有恩惠大業之末長吏多贓汙衡清節逾勵

風教大洽獄無繫囚爲吏人所稱

隋書魏德深傳

房彥謙字孝衝清河人大業九年監扶餘道軍隋政漸亂朝廷靡然變節彥謙直道守常介然孤立爲執政者所嫉出爲涇陽令未幾終於官時年六十七彥謙前後居官所得俸祿皆以周卹親友家無餘財車服器用務存素儉雖致屢空怡然自得嘗從容獨笑顧謂其子元齡曰人皆因祿富我獨以官貧所遺子孫在於清白耳

隋書本傳

唐

王甫武德初爲醴泉令有善政賜帛五十段賞之

冊府元龜

楊德幹萬年令高宗朝有宦官恃寵放鵠不避人禾稼德幹杖之三十悉拔去鵠頭宦者涕泣袒背以示帝帝曰情知此漢寧何須犯

他百姓世說新語

郎餘慶定州新樂人爲吏清而刻於法高宗時爲萬年令道無拾遺

累遷御史中丞唐書郎餘慶傳

李嗣真字承胄趙州柏人人調露中爲始平令風化大行唐書本傳

薛訥絳州龍門人遷藍田令富民倪氏訟息錢於肅政臺中丞來俊

臣受賕發義倉粟數十斛賞之訥曰義倉本備水旱安可私一家

報上不與唐書薛仁貴傳

虞獻武后時歷文昌左丞爲來俊臣所陷出爲西鄉令盡心邑事不

以左遷介意賈志

李令質萬年令有富人同行盜繫而按之駙馬韋擢策馬入縣救盜者令質不從擢乃譖之於中宗中宗怒臨軒召見令質奏曰臣必
以韋擢與盜非親非故當以貨求耳臣豈不懼權勢但申陛下法

死無所恨中宗怒解乃釋之朝列賀之曰設以獲譴流於嶺南亦

為幸也

大唐新語

姜晦上邽人高陵令治有聲遷長安令人畏愛之

唐書姜謩傳

張敦江浦人自諸暨令轉重泉令民咸悅其化

蒲城縣志

韓遼咸陽令治興成渠渠當咸陽右十八里左直永豐倉秦漢故漕

渠成起咸陽抵潼關三百里無車輓勞則輟下牛盡可耕水利秦

中矣

唐書李石傳

韋濟鄭州陽武人開元初擢醴泉令修飭政事有治稱終馮翊太守

唐書韋思謙傳

崔皎長安令邠王守禮部曲數輩盜馬府縣莫敢言者皎設法擒捕

羣奴潛匿王家皎命就擒之奴懼盡縊殺懸於街樹境內肅然

唐書

盧奕滑州黃門監懷慎少子天寶初為鄆令所治稱最

唐書本傳

薛播河中寶鼎人開元天寶間擢進士第授武功萬年令溫敏而裕

與人交有常李棲筠常袞崔祐甫並器之

唐書本傳

蔣沆萊州膠水人乾元中歷整屋咸陽高陵令美政流行長老紀焉

郭子儀軍出其縣敕麾下曰蔣沆賢令供億當有素得蔬飯足矣

毋撓其清也遷長安令

唐書蔣欽緒傳

房武整屋令吏民思之

氏族大全

人稱其幼為良子弟老為賢父兄

舊志

裴均河東人整屋令蒞政寬平人被其德

馬志

房啟河南人始為鳳翔府參軍尚少人吏望見咸曰真房太尉家子

孫轉澄城丞益自飭理同官憚伏遷萬年令果辨敏絕

賈志

梁鎮

昭應縣令

李國楨者以術士顯廣德初請度昭應南山作天華上宮

露臺大地婆父祠并三皇道君太古天皇中古伏羲女媧等各為

堂皇給百戶掃除從之乃除地課工方歲饑人不堪命鎮上疏切諫以爲有七不可即劾國楨等動衆則得人興工則獲利祭祀則受祚主執則市權人神胥怨災孽並至臣昨受命有所安輯陛下許以權宜今所興造臣謹以便宜悉停帝從之

唐書王
與傳

鄭叔敖滎陽人貞元元年授長安尉後宰澄城吏民信服訟簡役均人和歲稔民思慕之立石以識云

賈志

韋滌涇陽令貞元二年以滌起復饒州刺史滌理涇陽有政績故擢

焉

冊府
元龜

胡珣字潤博舉進士上第貞元十一年爲奉先令以治辦遷膳部郎

中

馬志

馮伉魏州元城人徙貫京兆第五經宏辭調長安尉三遷膳部員外於是體泉令缺宰相高選德宗曰前使澤潞不受幣者其人清可

用也遂以授伉縣多噐猾數犯法伉爲著諭蒙書十四篇大抵勸之務農進學而教以忠孝鄉鄉授之使轉相教督居七年韋渠牟

薦爲給事中

唐書本傳

韋紳卿涇陽令破豪家水碾利民田萬餘頃

馬志

武元衡字伯蒼武后族曾孫舉進士累爲華原令畿輔鎮軍督將皆

驕橫撓政元衡移疾去德宗欽其才召拜比部員外郎

唐書本傳

薛珏字溫如河中寶鼎人累遷乾陵臺令終歲以清白聞課第一改

昭應令人請立石紀德珏固讓

唐書本傳

裴寰之下邳令元和間每歲冬以鷹犬出近畿習狩謂之外按宣徽院供奉官爲其使令徒衆數百恃恩恣橫郡邑皆厚禮迎犒之恣其所便止舍私邸百姓畏如寇盜每留旬月方更其所是年冬行次下邳寰之但據文供饋使處公館杜其侵擾使者歸譖寰之有

慢言帝大怒將以不敬論裴度抗陳其事異日釋之仍令視事冊府

元龜

王正雅字光謙并州晉陽人擢進士累遷萬年令威震豪彊唐書王翊傳

穆宗時京邑號為難理正雅抑強扶弱政甚有聲會柳公綽為京

兆尹於帝前褒稱帝命以緋衣銀章就縣宣賜遷戶部郎中冊府元龜

劉仁師彭城人長慶間為高陵縣令有籌畫厯尹劇縣皆以能事見

陟既令高陵初涇水東行注渠醜而為三以沃關中後或壅遏不

行仁師同主簿譚孺直為民更水道杜私竇以成四渠民遂名渠

曰劉公堰劉禹錫有碑記馬志

李行言涇陽令大中八年秋九月上獵苑北遇樵夫問其縣曰涇陽

人也令為誰曰李行言為政如何曰性執有強盜數人匿軍家索

之竟不與盡殺之上歸帖其名于寢殿之柱十月除海州刺史入

謝上賜之金紫取帖示之

通鑑

崔希高仁孝友悌遷馮翊令貧乏荷其仁恤時有雲氣如蓋當其廳

事須臾五色錯雜遍於州郭狀聞勅編入史

大唐新語

李君奭醴泉令大中九年春二月上校獵城西漸入渭水見父老一

二十人於村佛祠設齋上問之父老曰臣醴泉縣百姓本縣令李

君奭有異政考秩已滿百姓借留詣府乞未替兼此祈佛力也上

還宮於御宸上大書君奭名中書兩擬醴泉令上皆抹去之踰歲

以懷州刺史闕請用人御筆曰醴泉令李君奭可懷州刺史莫測

也君奭中謝宸旨獎勵始聞其事

東觀
奏記

李頻字德新壽昌人擢進士第遷武功令畿民多籍神策軍吏不敢

繩以法頻至神策士尚君慶通賦六年不送悍然出入閭里頻密

摘比伍與競君慶叩縣廷質頻即械送獄盡條宿惡請於尹殺之

督所負無少貸豪猾大驚屏息奉法縣大治有六門堰者廢廢百五十年方歲饑頻發官倉庸民浚渠按故道廝水溉田穀以大稔懿宗嘉之賜緋衣銀魚

唐書本傳

林慎思字處中莆田人歷興平尉爲萬年縣令會黃巢陷長安迫以僞祿不屈罵賊死

賈志

李康漢陰令黃巢亂僖宗廣明元年出幸興元道中無供膳康以騾負糗糧數百馱獻之從行宮眷軍士始得食

舊志

張松壽爲長安令時昆明池側有劫殺奉敕十日內須獲賊松壽至行劫處尋蹤緒見一老婆子樹下賣食以從騎馱入縣供以酒食經三日還以馬送舊坐處令一腹心人看有人共婆語即以捉來須臾一人來問明府若何爲推遂即被布衫籠頭送縣一問具承

賊並獲時人以爲神功

朝野僉載

何承裕晉天福進士爲盤屋咸陽二縣令爲治清而不煩民頗安焉
每覽牒訴戲判以喻曲直訴者多心服引去開寶三年自涇陽令

累知商州

宋史趙
鄰幾傳

陳省華字善則閬中人累遷櫟陽令縣之鄭白渠爲隣邑強族所據
省華盡去壅遏水利均及民皆賴之

宋史陳
堯佐傳

馬元方字景山濮州鄆城人淳化三年進士及第知萬年縣諸將討
李繼遷關輔轉餉踰瀚海多失亡獨元方所部全十九以勞遷

宋史

本
傳

蔡黃裳字叔文晉江人大中祥符初第進士知鳳翔府號縣郡守有

親校招權受金者黃裳置之於法一府皆驚

萬姓
統譜

張及舉進士爲殿中丞祥符中出爲武功令有政績喜文學及慕姚

武功之爲人於是刻姚武功縣居諸詩四十餘首於石

馬志

張龜年富平令明道二年秋七月丁丑詔知耀州富平縣事張龜年

增秩再任以其治行風告天下

宋史仁宗本紀

种世衡字仲平洛陽人嘗知涇陽縣里胥王知謙以姦利事敗法當徙遁去北郊赦輒出世衡曰送府則會赦杖其脊而請罪於府知府李詰奏釋之通判鳳州州將王蒙正章獻后嫔家也所爲不法嘗干世衡以私不聽蒙正怒乃誘知謙訟寃而陰助之世衡坐流竇州龍圖學士李紘爲辨其誣除鄜州判官西邊用兵守備不足世衡建言延安東北二百里有故寬州請因其廢壘而興之以當寇衝朝廷從之命董其役夏人屢出爭世衡且戰且城之城成賜名清澗城遷內殿崇班知城事開營田二千頃募商賈貸以本錢使通貨贏其利城遂富實間出行部族慰勞酋長或解與所服

嘗會客飲有得敵情來告者即以飲器與之由是屬羗皆樂爲用

宋史本傳

世衡初至清澗城教吏民習射雖僧道婦人亦習之以銀爲

射的中者與之既而中者益多其銀重輕如故而的漸厚且小矣或爭徭役優重亦使之射射中者得優處有過失亦使之射射中

則釋之由是人人皆能射

記聞

吳元亨字子正歷馮翊令馮翊華陰以漆沮爲境中間洲上有美田民相與爭之五十餘年吏不能決元亨檄華陰令會境上盡按兩鄉之籍徧履其田執度以度之皆得其實自是民不敢復爭

司馬溫公

集

楊緯字文叔濟州任城人以皇祐五年明經中第徙鳳州梁泉縣令教民以孝弟力田爲先守史千之不知其能嘗薦其錄事叅軍張革等數人革呼同列詣千之言梁泉循吏而公不薦革等以爲愧

千之踰蹠曰吾過矣吾過矣因并薦之

雞肋集

黎公真嘉祐中甘泉知縣有仁政後去任民思之圖其像於學宮有

贊其畧曰紀其本見諸竹帛傳其末觀乎丹青

馬志

穆衍字昌叔河內人徙河中第進士知淳化縣從韓絳宣撫陝西遇

慶卒潰亂衍念母在耀亟謁歸信宿走七驛比至慶卒知行名不

敢近時諸郡捕賊兵糧糈無以給遂擅發常平倉且懼得罪衍曰

饑之不恤則吾兵將為慶卒矣考課為一路最

宋史本傳

朱革紹聖元年為高陵令始至摧抑兼并強梁束手踰年政成境內

安堵初建宣聖廟暨儒學落成之後士知向學邑民大悅

馬志

趙茂曾洛陽人建中靖國元年知武功崇寧元年春始至官用法平

恕三年治成百姓咸服

馬志

汶陽人大觀四年知武功臨政不苟行已治事以身為先士民

德之賈志

吳時字仲道邛州人舉進士知華州鄭縣轉運使檄州餉米五萬輸
長安鄭獨當三萬時貽書使者曰會三萬斛之費以車則千五百
乘以卒則五萬夫縣民可役者纔二百五十八戶耳古者用師則
贏糧以養兵無事則移兵以就食誠能移兵於華則前費可免華
雍相去百六十里一旦欲用朝發而夕至矣使者從其言宋史本傳

楊震字子發代州崞人知麟州建寧砦契丹亡將鞠鞞驅幽薊叛卒

與夏人奚人圍建寧時城中守兵不滿百震與戰士約斬一級賞

若干官帑竭繼以家人服珥吏士感激自奮越旬矢盡力乏城不

守與子居中執中力戰沒闔門俱喪詔贈武經郎謚恭毅宋史本傳

孟通陽翟人為武功令以仁厚為治號得體修繕城郭官署學校不

刑一人人趨事赴工唯恐不悅蓋誠足感人也官至諫議大夫賈志

高士徹開封人為武功令有治績遷監察御史

馬志

康傑權知扶風縣與金將馮宣戰宣愛而欲招之奮曰吾今也當死

於陣不能降敵宣殺之

宋史 彊
寬傳

李伸知天興縣堅守不下城陷曰吾豈使敵殺我遂自殺

宋史 彊
寬傳

李沐字公澤為三水尹興滯補弊庶務修舉奸蠹一投於前灼見情

偽哀死恤刑獄無冤繫激貪勵俗稱為清白邑民思之

馬志

李宗大梁人舉進士為鄆簿歷岐山武功令所至有政聲後知慶陽

馬志

呂義山蘭谿人擢進士初為涇陽主簿遷知武功百姓親之

馬志

關蒼舒太原人為城固縣令以禮義化民

馬志

薛可光字景孝河東人知城固縣有文學嘗率吏民拒寇興修水利

民懷其德名所築渠曰薛公渠

城固
縣志

梁襄字公贊絳州人大定三年進士調耀州同官主簿三遷邠州淳

化令有善政

金史本傳

張翔字子翱淄川人大定間遷高陵令後為解鹽副使去高陵八年

邑人曹璋率父老畫像構祠堂事之張建撰去思碑

馬志

李革字君美河津人大定二十五年進士遷韓城令同知州事納富

商賂以歲課軍須配屬縣革獨不聽提刑司以為能遷河北東路

轉運都勾判官

金史本傳

孔天監明昌間為都令政事該博學問優長鑿渠灌溉鄙人賴之

賈志

艾元老字長卿大興人承安間任澄城知縣寬而能斷嚴而不苛興

廢脩墜百事具舉前主簿馬炳亨物故遺六女一孫甫幼咸擇配

而婚之秩滿百姓為立祠記石

賈志

王若虛字從之藁城人擢承安二年經義進士調鄜州錄事歷管城一門山二縣令皆有惠政秩滿老幼攀送數日乃得行後轉延州刺

史金史本傳

宋九嘉字飛卿夏津人至寧元年進士第歷藍田高陵扶風三水四

縣令咸以能稱金史本傳

張德直字伯直平陽人貞祐三年進士釋褐新平簿辟藍田令秩滿

父老詣行臺留再任去之日爲立生祠中州集藍田張德直清慎才

敏金史王浩傳

李獻甫字欽用河中人興定五年進士歷咸陽簿辟行臺令史尋辟長安令京兆行臺所在供億甚繁獻甫處之常若有餘縣民賴之

以安金史本傳

王浩由吏起身初辟涇陽令廉白爲關輔第一時西臺檄州縣增

棗果督責嚴急民甚被擾浩獨無所問主司將坐之浩曰是縣所植已滿其數若欲增植必盜他人所有取彼置此未見其利其愛民多此類所在有善政民絲毫無所犯秦人爲立生祠歲時思之初辟舉法行縣官多得人如咸寧令張天綱興平師夔臨潼武天禎三原蕭邦傑皆清慎才敏極一時之選

金史本傳

元

察的兒爲鄠縣達魯花赤蒞政十二年政平訟理境內嘗產嘉禾瑞

麥縣刻石爲圖

馬志

楊朝列大定人大德間爲富平令首重民務勸課農桑諄諄以詩書

古義誨諸士人愛戴之時關內多蝗獨不入富平境人以爲德政

所召

賈志

李弘至大三年任汧陽知縣勤於政事杜絕私門勸課農桑導民以

善賈志

荆茂字仲昌覃懷人爲藍田尹民有兄弟爭水磴者茂化諭之皆叩

頭更讓而悔賈志

蒲庸字時中鄜延人爲城固縣令興利除害民懷其惠爲立生祠於

斗山之麓馬志

掩都字成之燕山人爲藍田縣達魯花赤號令明信吏民畏服馬志

聿思敬晉寧人泰定初爲清澗尹先是邑民以旱災逃徙者甚衆思

敬招撫復業他郡之民皆賴之舊志

趙公諒臨潼人泰定初第進士爲三原知縣有善政遺跡至今猶有

存者官至工部尚書賈志

辛榮扶風人至正間任本縣知縣爲政有方勸民務本今入名宦祠

鳳翔府志

郭鈞字平叔至正間爲鄒令六事備具庶民樂業既去民立碑以紀

德馬志

張玉字德潤固始人至正中爲蒲城令有文武才畧爲政不事表暴
不設防畛賦均訟簡時大軍縱掠民間蹂躪旁邑玉脩保伍嚴警
備軍不犯境民賴以安賈志

朱春至正末爲三原令明兵克奉元春謂其妻曰吾當以死報國妻
曰君盡忠妾豈不能盡節俱投崖死馬志

明

張三同南直吳縣人進士洪武初知白水草昧之初能相地宜從民
便脩復城署定法令均徭賦民咸便之白水縣志

嚴祀江南鳳陽人洪武初知武功臨事尚簡愛民以誠官署學校與
壇壝祠廟皆所創作馬志

譚衍四川人洪武二年由舉人任石泉令當國家初造招集流移勸

課農桑廉明愷悌一時殘民倚為慈母祀名宦

石泉縣志

張著洪武三年知膚施邑民頻年避兵竄匿山谷著招諭撫循修舉

廢墜民始安輯嘗有鄒二者以不孝弟聞著招諭化之二遂改為

孝子

馬志

許訢開封人舉孝廉洪武中鄆縣知縣修廳宇興學校撫民以惠措

置得宜與正統間徐純並推賢令

舊志

張得先洪武中知富平時中原初定衆多艱食得先首建招福平臯

頻陽永潤四鄉各社倉以贍貧乏民咸賴焉

賈志

陳榮祖洪武中知商縣時兵燹之餘縣治俱廢榮祖為政有方吏民

畏服躬建祠宇壇壝百廢俱興

西安府志

李英字士奇河南祥符人舉人鳳翔府訓導立教嚴勤陞知朝邑至

則樹良法剋夙弊庶政脩舉擢知乾州卒於官先是朝邑歲旱春夏不雨英齋戒禱三日而甘雨降歲大稔又黃河水至濠城幾沒英築堤捍水患乃息鹹地淤為沃壤英又親詣其地為之驗冊分撥俾豪強者弗得侵焉

賈志

鄒宗彛洪武時任清澗令時亂初平規制未備縣治學舍皆殫力創建加惠黎庶勞心撫字邑人頌甘棠者不衰

清澗縣志

陳鑑四川資江人洪武中以進士知清澗時天下初定教化未行鑑勤撫字興學校民漸知禮義賢聲大起擢守霍州

清澗縣志

閻嵩洪武末知長安時關中貧瘠嵩以安養生息為已任惠愛及物化洽境內上嘉其績褒賚甚厚

賈志

尚英知寶雞奏本縣歲貢棉花棉布乞就本縣運赴漢州不必運布政司徒勞人力及陳倉東河等驛積草可二十餘年若將永樂九

年草折鈔收支官民兩便從之

馬志

葉壽江南高郵人監生永樂十六年知城固時稅糧久逋民鬻子不

能完壽奏除浮費撫貧民遠邇戴之

賈志

劉綱字文紀禹州人登進士敦確有幹局初為縣得府谷政教兼舉

頌聲大著三年遷寧州

名山藏

楊聰字彥達雄縣人舉人正統初知三原剛果有為事無壅滯九年

秩滿保留陞正六品俸仍知縣事民為立碑

三原縣志

國璧武邑人監生正統初知渭南為政仁恕有方以憂去民泣送之

後服闋渭民數百人赴闕奏求復任在渭九年德政被民沒世不

忘

賈志

楊季琦交趾臨嘉人舉人正統初知澄城時聲教未融制度尚缺

琦至定法令布條約輕徭薄賦與民休息後陞延平府通判祀

宦
澄城縣志

張琦字鍾瀾山西安邑人正統中舉人知高陵四年興利除害事

孝弟教人化洽境內琦天性忠廉剛正而儀貌蒼古人稱鐵臉

將死囊無羨貲丞欲啟庫取耗金以贈琦曰此豈人所為哉吾有

數子耕者力田讀者力書足矣即取其管鑰并符籍付丞而卒賈志

徐純字德善澧州人正統中知鄆縣刑清訟簡興學愛民且寬猛適

宜市獄不擾鄆令前推許訢後推徐純士民愛戴頌不絕口賈志

高應舉大足人正統中以監生知富平愷悌慈祥刑省政脩多所建

置至於扶弱鋤強不少假借奸豪莫不望風屏迹富平縣志

張勉鉅野人正統間由舉人知洵陽勤政愛民人盡悅服代之口百

姓泣擁馬首遂家於洵洵陽縣志

張璣文水人舉人正統中知洛南廉恕公勤愛民若子九年秩滿百

姓赴京保留加六品俸仍知縣事聲名聞於關西後貧不能歸里

即邑居焉

賈志

魯玉字士潔四川涪州人正統末知涇陽臨政廉謹深得民心保留

再任前後二十餘年惠愛甚多

賈志

程章保定人景泰中監生任渭南知縣材幹剛果資性明敏歷九年

以成績遷平定州同知邑民思之弗忘

賈志

蓋緩舉人景泰間知白水政教兼脩不畏強禦邑人追思之祀名宦

白水

縣志

張傑字文英臨清人舉人知高陵明法令有幹材增修學宮縣署上

下以能吏稱任滿去百姓泣留

賈志

郭敏北直寶坻人舉人天順五年知吳堡恩加良善威震豪強脩學

均役勸農賑饑民思其德

吳堡縣志

王節號介菴河南太康人天順壬午舉人知盤屋縣爲政外嚴內寬明法慎刑值歲歉閉糴節爲立平糶法粟不騰貴民賴以安時倉廩空乏逾年積粟數千石爲預備計鑿廣濟渠二十五里引水灌田若干頃更買田器貨官牛給貧民耕種課生徒親爲講解孀婦砥志者給米帛以示獎歲大旱流離入境者衆節日夜資給皆賴全活後卒於官百姓如喪慈母

賈志

周寧河南睢州人成化初舉人知渭南剛果明辨摘發如神事無大小迎刃而解尤善治奸宄振廢興利遷河州知州去之日百姓遮

道泣留數日不得行

馬志

李景繁字邦泰儀封人進士成化六年知三原縣慈祥愷悌政務脩

舉間至民家勞來勤苦民咸愛戴及去任民立石頌德

賈志

韓睿河南陝州人舉人知白水以服闋補任鄠縣時年已六十然嚴

明剛斷人無敢犯之邑中無賴子懼走匿南山不出犴狴為空祀

名宦

鄠縣志

張俊汜縣人成化中知渭南有威惠人稱其性如烈火心如慈烏

馬志

撒俊字世美山西大同人貢士成化中知醴泉增築外城建立場市

歷任九載剛方如一

賈志

王信字中孚北直順義人舉人授延川令延俗驚獷信召其巨室戒

諭不逾歲化洽俗變調知咸寧延民爭擁車留之

賈志

婁鑑北直河間人成化間任延長令愛民如子親課農桑治壇壝修

文廟嘗夜出巡聞讀書紡績聲記而賞之朔望集諸生明倫堂親

為講授考課故門下多名士政聲日著萬曆中祀名宦

延長縣志

陳以忠南直無錫人舉人知寶雞持身清約敷政寬平勸民無相鬪

爭百姓化之幾稱無訟革弊興利有百世之澤祀名宦

寶雞縣志

邱俊河南汝寧人舉人成化間知西鄉才猷倜儻政務精勤縣治舊在蒿坪山之陽頻罹水患俊改建於今治修金洋古堰水利永賴

邑人立廟肖像祀名宦

漢中府志

李春北直滿城人成化間知西鄉留心國本經營有方金洋堰遭水衝圯稻田失溉春設法重脩岸堤堅固民沐其惠肖像祀之入名

宦

漢中府志

張大綸四川成都人舉人初任扶風諭轉漢陰令時縣治未備大綸剔蠹植善樹表範俗崇廣學舍增修公署疏月河開渠堰剏縣志

邑政一新後陞徽州知州民咸頌之

賈志

郝宗儒知商南修城池建軍營起集塲興學校作士風民思不置

馬志

趙信平陽人成化丁酉以藍田令調任山陽閱歷險阻收拾曠悍士

民懷之祀名宦

山陽縣志

楊隆大名人成化戊戌任山陽令時新集之衆頗難調度隆無以
寬施之以恩講禮義明法令正名分期年上下交孚城池衙署學
廟以次肇舉諸廢俱興百姓子來雖勞不怨後慕其遺愛請祀之

山陽
縣志

崔珣東阿人成化中知蒲城廉明有威時關中大饑人相食蒲境內
獨攘竊屏跡以誣去民甚惜之

馬志

陳潤山東泗水人知武功有幹才成化中歲大饑民相食流移者十
六十潤集父老豪傑垂涕告諭發倉以賑士民賴以活命萬計且
治盜有法奸跡屏絕

武功
縣志

劉志河內人成化間除武功知縣凡所施行務存長者民服其教嘗
值歲旱間太白靈湫身往禱之雨隨至百姓懽迎道左以萬計見
雨來爭以雨具授公公麾去曰此神貺我民者我何可襲九年致

仕老幼婦子扳號者不可勝數

懷慶府志

楊豫字素定北直清苑人舉人成化中知三水仁厚明

值縣治新

設累歲凶荒賑濟有方風俗丕變祀名宦

三水縣志

馬宗仁字本元北直新樂人恩貢知三水創修城垣門堞增修署舍

法度森嚴

賈志

張悌山西岢嵐人成化中知中部縣性嚴重誠心愛民任九載始終

一節歲大歉人相食悌賑救有方盜賊屏息陞寧州知州民皆號

泣不忍其去

賈志

劉潔山西沁源人成化中知中部性慈仁有大畧興滯補弊遷廟學

衙署廣積倉儲遇凶年活民甚衆

賈志

張鶴修武人舉人知邵陽成化乙巳歲大侵鶴悉心賑救捐俸以助

不給多所全活

邵陽縣志

楊輝山東曹州人監生成化末知興平值歲凶總攝五縣事嚴明剛

斲人不散犯

馬志

王翼遼東人成化末知武功政尚寬易尊禮士夫焦上村逆旅主人陰殺旅人匿其貨置屍遍數井翼悉發治之時以爲能

賈志

暢亨山西河津人進士任監察御史弘治初左遷涇陽令剛方明決

未期年邑中大治開渠治水民尤賴之

賈志

宋學通字文淵湖廣永州人弘治初武功知縣性狷潔言笑不苟謹

飭奉法嘗曰政在去其所害興其所利他皆細故毋足校也有貴

勢受賂囑脫罪人者學通弗聽曰上負邦典下負無辜如鬼神何

竟論去居九年以誣罷

賈志

何亮山東登州衛人湖廣進士弘治中咸寧知縣平易近人清白自

愛縣俗婚姻尚財亮諭以禮士民貧弗娶者與之娶貧弗葬者與

之葬風俗為變擢給事中

咸寧縣志

朱璜字敷威山西陽曲人弘治中舉人知高陵剛方有為能鋤強暴

以綏良善刁猾遠遁廳署肅清仕至平涼苑馬寺丞

賈志

文昭字孔明垣曲人弘治中由舉人宰鄆縣勸農桑慎刑罰靖盜賊

崇學校在任八載去官鄆人思之不置

文氏世譜

昭宰鄆德政感孚數

產嘉穀

山西通志

縣舖舊在大門內昭移置東郭外改為養濟院孤寡

咸被其惠

鄆縣志

張億知鄆縣常夜出微行民間婦姑紡績姑遣婦視所釀酒婦視之

荅曰有如張縣君徹底清矣

馮志

蕭選字廷舉三河人弘治己未進士初尹盤屋摘發幽伏人以包孝

肅稱之為立生祠因與巨璫抗禮左遷

畿輔志○按鳳翔府志正德七年選以都御史左遷

鄆令非自盤屋令左遷也

楊同字一仁河南新鄭人舉人弘治中知渭南外寬內嚴不形喜怒崇禮布教平獄省刑居九年始終不易比計典註以疾尚書見同貌顧謂郡司曰魁傑如此何以言疾郡司愕無以對同應曰同實疾郡司弗欺也尚書遲疑久之辭益懇乃聽致仕

賈志

李良字從善河南固始人弘治中以舉人爲富平令擔當任事大有賢聲所建倉廩學舍醫學陰陽學修永興橋有視官如家之意

富平志

縣志

韓震山西人弘治時知安塞勞心撫字加意斯文城北逼大河暴水城壞震抗疏請命殫力脩築水患以平民立碑紀之

延安府志

王溥北直遷安人弘治間舉人知安定縣政治公平牧民如子陞知寧羗州士民送者擁道不得行號泣而別

馬志

丁宣山西岢嵐人舉人弘治間知寶雞鞠訊如神獄無繫囚公署圯

壞無不營建後擢知潁州

馬志

許莊北直樂城人進士弘治間寶雞知縣博學有才以經義飾吏事

民被其惠為建碑記德官至叅政

賈志

胡俱四川南溪人舉人弘治間知麟遊

鳳翔府志

遇事有為臨民不苟

輕徭薄賦吏民愛之尤加意斯文改建文廟內植柏千餘株邑士

人立石頌德歷陞太僕寺丞

賈志○按鳳翔府志岐山縣令無胡俱題名應以麟遊為是賈志作岐山

者恐誤

蔣曷山東邱縣人進士弘治中以御史左遷洵陽令洵初設制度未

舉者尚多曷勤於修葺廣儲務積興學育才愛民禮士其時年穀

數登瑞應遞見尋陞山西按察司僉事洵人思之立望侯石於學

宮

洵陽縣志

秦安麻城人舉人知洛南公廉勤慎平易近民俗尚告訐勸懲得宜

民咸服之歷任五年致仕去民爲立去思碑

賈志

劉玉大同人監生弘治間知邵陽性明敏善折獄事至剖決如流人

無遁情

同州志

徐政濱州人舉人弘治中知澄城明敏莊毅處事皆有紀律教民植

桑棗勤耕織暇則親歷原野凡坡陂畛隰率民脩理夜則巡視街

坊民之勤織業者旦即以所業勞之案無流牘獄無宿囚後歷陞

山西僉事致仕歸值流賊陷濱州表其門曰此清吏也秋毫無所

犯

澄城縣志

陳紀岳池人舉人弘治中白水知縣冲淡無欲剛方有爲搏擊豪強

政令嚴肅以才優調長安祀名宦

白水縣志

張含光西華人知武功清和鎮靜一毫不取於民時有盜警與民守

之笑談自若城賴保全陞太原府同知

武功縣志

相邦教字蓮石山西安邑人弘治中知武功精明嚴毅不避權貴清賦役緩催科調停驛站設立學規綽有美政陞正定府通判祀名

宦

武功縣志

任義四川人進士前庶吉士陞御史以言事左遷中部令文學高邁掄選才俊親為講授每夜必出巡閱讀書紡績記而賞之故門下多名士廉能有守政績最著

賈志

李信雙流人初授咸寧令調清澗興學校課農桑均徭役節租賦視官事若家事二年間時和年豐訟簡盜息教化大行後移疾去

賈志

程啓克嘉定人進士正德初仕三原才敏識優妖人李午以術惑衆將舉兵克以微罪繫其黨午懼逃之洛川境內肅清擢監察御史

賈志

侯璽山西長子人舉人正德初任白水以才堪治劇調澄城惡夜菲

食教民種植桑棗課士勤篤學業人始畏而終慕之擢知商州城

縣志

劉紹字繼芳濮州人正德初武功知縣端謹誠篤時蜀漢有警西征將士供億不可勝計他縣皆先期飭備人不堪命及至反多弗稱紹待其至始徐爲之民不勞而具備尋以病告歸

賈志

丁珣大寧人監生正德四年任漢陰令值流賊猖獗人心畏懼珣築城鑿池措置軍餉嚴爲捍禦民獲保全

舊志

俞鼎洛陽人正德五年知鎮安重建廟學築濬城池捕盜有方賊皆解散開墾山田地無遺利設立集場招商便民鎮民有甘棠之愛

鎮安

縣志

張鏐北直滄州人正德五年蒲城知縣邑習刁悍鏐盡反前政士民

聶服修築城塹遷代州知州

賈志

張琴繁峙人正德八年以選貢任黟陽令創立縣治營建廟學招商撫民功績最多有去思碑

黟陽縣志

劉一中山西蒲州人正德九年由進士任澄城令賞明刑當有文武

材喜治兵事澄城舊苦盜後畏一中屏息不敢發

韓邦靖撰嘉禾碑記

王秀字士英萊陽人正德中進士除長安令至則延見父老問民疾苦一切以惠養為首務胥隸不得輕出入豪右不敢私謁先是賦稅多逋秀為著令遂無敢後者獄訟久滯出片言立折之學宮圯及縣治燬皆以次脩復而民忘其勞後拜監察御史

賈志

程鵬解州人進士正德中知鄠縣和厚坦易居常無怒即怒亦未嘗過用威刑人以此德之方聽訟頃有欲平者聽之歷遷知鄧州刑

部郎中

馬志

王鑑北直霸州人舉人正德中知渭南亢爽機辯有精力幹才振刷

荒廢樹德立威令行禁止吏民畏服一時稱能令焉

馬志

楊玳字文瑞太原人以監生官長安簿安定丞正德十三年為縣令

遇事風生剖決如流長於吏事廟學大工俱賴告竣

富平縣志

孫璽字廷信代州人舉於鄉令扶風賊至都御史藍章欲城畧陽謂

畧陽知縣嚴順懦檄璽往城之璽至順恥之甚邑人賂璽金求無

城璽不聽始城三面賊卒至順曰城不可守矣曷亡璽又不聽順

故令也城中人聞之譁欲亡璽抽佩刀砍坐杌曰敢言亡者如杌

乃率城中人守之閱三日會賊執告急人殺之發公移知城中窘

悉眾環攻自辰至晡順奔賊陷城入執璽璽罵賊怒鬻殺之大掠

三日去順還報曰與扶風知縣同奔而溺水蕩扶風知縣尸都御

史怒求屍順大窘與簿謀取江濱一屍棺還其鄉其家人啓視之

多髯而碩體非璽也乃走京師投匭辦事下御史王廷相乃得實

奏上制贈光祿寺卿詹子國生

名山藏

賈鉞山西石州人正德間知汧陽縣操守清堅處事明敏以本境盜

起赴難死

賈志

陳言諫四川內江人舉人正德間知褒城縣果斷明允政無留滯暇

為書生講解書義誅鋤土豪境內獲安

賈志

宋銳山西臨縣人例貢知洋縣時監郡警擾羽檄旁午外給軍餉內

撫民心邑賴以安

漢中府志

張綸陽城人舉人知石泉正德間流賊為亂綸令子率軍民晝夜守

城且請援兵賊遂遁去黎庶獲安民咸懷之

馬志

趙琮瀘州人知洛南舊柳林舖路臨河夏秋水漲不便行人乃改於

北高平地至今便之各行署并縣治門廳狹隘且圯咸增修改觀

昔演武無所為易地二十畝建廳置垣築臺軍容以整

馬志

王道字純甫陵川人舉人朝邑知縣正德戊寅大陽諸里民田圯於河幾萬餘畝道請於當事以糧折布又言朝邑為山陝要衝與蒲華等獨無驛所民不勝勞由是以郃陽朝邑協濟民稍息焉賈志

張綸黃縣人貢生正德間知郃陽剛正有為會流賊陷洛川警報甚

急鄰邑皆為避兵計綸獨矢死守備邑賴安堵同州志

李豸山西陽城人進士正德時知郃陽性狷介能治劇邑有豪橫害人官莫敢問豸擒之邑謠曰郃陽縣虎為患天降豸除虎害賈志

韓齊山東青城人舉人澄城知縣時妖賊李午擁眾陷洛川脅縣令

妻子殺之屯兵彭衙漸逼澄城居民奔命齊告援於潼關兵憲張

禴卒獲撲滅澄人德之祀延恩祠澄城縣志

李簡江西安仁人舉人知韓城潔已愛民好士九載保陞同知俸仍

管縣事以守制去民稱頌之馬志

郁琛北直清苑人舉人正德末知洛川縣搏擊豪強禮士愛民邑人

畏而愛之祀名宦

洛川志

孟邦直河南祥符人舉人正德末知永壽廉介持已勤敏幹治振作士類裁革冗役歷四年卒於官士民流涕

馬志

王時雍垣曲人正德丙子舉人授山陽知縣廉以律已仁以愛民歷

華陰知縣門無私謁訟不淹滯倉庫有儲緩急有備終西安同知

山西通志

王科河南涉縣人進士嘉靖初任藍田知縣甫下車見縣治諸凡陋

隘即圖改作先勸課農桑作興學校扶弱鋤強風俗丕變始請之

當道多方建脩凡城郭官署廟學規模煥然視舊制增十之五六

後入名宦藍民歲時致祭懷思不絕

賈志

楊時泰號恒南正定人進士嘉靖初知富平勁節清修風裁凜凜邑

田不井泰教民作桔槔更疏渠之淤者溉之歲不能災又發倉廩以賑貧窘期年之間邑稱大治

富平縣志

胡山富順人舉人嘉靖初以舉人令白水大有設施遇盤錯輒身任之調富平令時巨寇劉朝臣同大小馬暨遊俠者武斷縱橫閭閻側目山首捕之置諸重典又法繩豪右四野肅然創經閣繕學宮增修新舊號舍邑中多士賴其作興

富平縣志

袁勲山東章邱人貢士嘉靖初同官知縣有才畧令在必行諸事立辦盜賊屏跡以能調渭南

賈志

曹崇樸山東冠縣人知武功沉潛渾厚接士大夫有禮均丈地糧矢公矢慎不失原額嘉靖甲申冬有巨盜刼岐陽崇樸廉捕之盜通衙蠹持有府檄府恐以此為累因托鄰縣尹徐求益於崇樸蓋欲易其案以脫諸盜崇樸拒不與未幾徐陞本道監司遂被譖調東

明賈志

陳沂慶符人舉人嘉靖八年知延川廉謹仁恕不尚威嚴歲祲發廩

賑貸全活者衆

賈志

嚴霜臨縣人嘉靖八年知褒城性溫和儉約以儲蓄爲急遇雨賜祈

禱如響終始以廉潔稱

褒城縣志

楊博字惟約蒲州人嘉靖八年進士授盤屋知縣調長安爲政精廉

整屋有劇盜博督土兵犁其穴在長安留心賑饑存活甚衆時博

父瞻亦爲扶風知縣父子並有惠政

名山藏

瞻字叔後以舉人授扶

風令勸課農桑若家人父子去後民追思之城市鄉鎮俱爲立祠

扶風縣志

宋大本直隸新城人舉人嘉靖十年知延川愷悌及人忠誠任事革

羨餘剔弊實一切興除事宜悉綜理無遺年饑爲煮粥貸粟設法

救荒饑民賴全活者數百人陞山西道御史

賈志

趙允亨字伯通北直安肅人嘉靖壬辰進士任長安令勤恤民隱三年道不拾遺教化大行有三異之謠奏績去士民為立石識之

長安

縣志

冀鍊字純夫山東益都人嘉靖間進士長安知縣宅心端亮飭躬清謹愛民禮士綽有善績以治行冠三輔

賈志

蘇民牧字乃侯山西高平人嘉靖進士長安知縣慨然以民之父母自任寬刑罰薄征斂精明剛斷彰善懲惡吏畏民懷三載遷戶部

主事

賈志

齊宗道字叔魯遼左人嘉靖進士知咸寧才中肯綮力任繁劇威惠並著後以統領民兵為總督何棟所知累薦歷官巡撫大同右副

都御史

賈志

馬佩字服玉山東德州人嘉靖辛丑進士咸寧知縣明敏剛介

愛民省里甲清賦稅抑強扶弱期月政成在縣六年考績為天下第一

最賈

志

董汝漢字昭夫山西萬泉人嘉靖乙丑進士知咸寧邑衝民貧汝漢

明政刑興教化稅糧一清訟獄頓息且冰操凜凜不讓前人

咸寧縣志

李時芬北直安州人舉人嘉靖中任咸陽令政平訟理造士興學

建尊經閣敬一亭四箴亭季考及朔望臨學講書歲無一廢士民

愛戴

咸陽縣志

周欽山西長治人監生嘉靖中咸陽知縣嚴而不煩蒞咸五年均田

丈地甚公民永賴之

賈志

李裔芳字崇德山西陽城人舉人為臨潼令天性明達事無留滯一

切官廨祠宇多所修葺擢知睢州去任士民思之言政事之善者

必曰李南峰

南峰裔芳別號○臨潼志

許汝登四川合縣人舉人嘉靖間臨潼知縣精明簡約政先德化百

姓愛之往時糧多逋負登設法催徵不事鞭朴民爭先輸納

賈志

范崗北直邯鄲人歲貢嘉靖間臨潼知縣為政寬猛相濟遇歲大祲

賑救饑餒招撫流移全活甚眾

賈志

李翰字憲夫山西汾州人舉人嘉靖間高陵知縣存心平易遇事鍊

達關中地震人民死者過半盜賊蜂起翰立法甚嚴間懲渠魁警

眾盜息民安

賈志

馬呈圖四川內江人知鄠縣諳於治體調停均節動中機宜申免灞

河役夫節省里中冗費民沐其澤陞御史

鄠縣志

韓瓚山西絳州人由教諭陞藍田令勤政愛民清操自勵人有以利

免者輒耳頰俱赤凡所行惟恐不便於民祀名宦

賈志

梁一道山西稷山人舉人藍田知縣孝以事親慈以字民嘗聽民訟置刑間有子願以身代者遂免之更獎勵焉百姓感之皆知行孝且毀淫詞崇正誼聞善讀書者輒躬詣其所以行嘉賞一時學校大興當道屢有薦剡後以疾卒民立祠於南關尸祝之

藍田縣志

張洗山東鄒縣人監生藍田知縣廉介自持雖一蔬不私取於民會審編差徭晝夜計算調停甚均即老胥猾吏莫能售其奸解綬之

日琴劍而歸

藍田縣志

呂好古山西平定州人嘉靖間以孝廉任藍田令守如水蘖悉民利病聽訟不事刑威得情則哀矜不已至於懲強抑暴復不少恕去之日百姓肖像尸祝焉

賈志

李春芳字元實山西沁水人由進士任盤屋令資性明爽能發奸摘伏值荒歲勸富人貸貧民種且爲之營度計長久行取兵科給事

中

盤屋縣志

何起鳴字應岐四川內江人由進士爲盤屋令作集賢書院錄士之才者教之豐其廩餼又發奸摘伏若神境有偷盜誅連數十人起鳴盡釋之獨杖殺盜者餘聽自新計畝均糧役無輕重歷三年民

安盜息

盤屋縣志

李希雒字宗程太原人進士倜儻有大畧初令昌黎嘉靖中關中地大震獨渭尤烈遂移希雒知渭南至則吊僵仆恤孤癯省刑罰蠲逋負已而葺築城舍經始有方民不知勞又以田賦太重上記諸司力捐漢中暫借輕折鉅萬尋拜吏科給事中

渭南縣志

梁沂字企南臨潁人舉人嘉靖間渭南知縣有俊逸才政尚平易處事嚴整好賢下士暇即置酒吟詩若不知有簿書者吏畏民懷然性剛直是非曲直絲毫無所屈撓於是貴介枘鑿終以流言罷

高義葉縣人舉人嘉靖中爲富平令外柔順內剛明尊禮師儒無恤

瘡痍有良吏風富平縣志

劉煦霍州人舉人嘉靖間任富平令政尚慈惠聽訟得情催科不擾

而人亦不敢欺洪水里積年逋賦至是始及額焉賈志

崔舉唐山人舉人嘉靖中知富平古朴有道措置一出至誠均田覈

地革里甲日支然恥爲脂韋卒中萋斐去君子傷之賈志

武鎮華字維揚山西石州人舉人嘉靖中任醴泉令治行有三善易

馬站斷徑路通直轄皆不世之利官民至今賴之醴泉縣志

韓弼字良佑蒲城人歲貢嘉靖間任安塞令愛民如子親課農桑治

壇壝脩文廟以邑城逼邊土基難久遂鳩工改築砌石十三層堞

口磚甃儼然金湯祀名宦安塞縣志

唐理河間人舉人知保安遇荒歲民有饑餓逃移者煮粥以救又延

醫治瘟疫全活甚衆有死無棺者捐俸給之建時雨書院民不知學立社以教之卒於官百姓號泣如失慈母

賈志

張倫澤州人知宜川歷任未半載直指薦調蒲城民赴京奏保復留

宜川愈加清慎勸課農桑興利除害政績卓異爲當時最

賈志

張旭陽清源人嘉靖中任延長令愷悌及人忠誠任事延長舊土城

歲久傾圯時北邊猖獗巡道方遠宜檄令修城旭陽率民修築易

土以石是秋果入寇他方被殘延獨宴然邑人立碑頌德

延長縣志

王命字將之安邑人嘉靖中知郿縣純厚耿介視民如子捐俸賑饑

全活甚衆祀名宦

鳳翔府志

周鳳仁壽人嘉靖中以監生知郿縣才幹自喜不畏疆禦時有豪暴

爲閭里患鳳設方鋤治一時警若迅雷大計以罷軟論鳳聞之笑

曰我豈罷軟者其司衡者之曠且聾乎

賈志

守正良鄉人監生嘉靖中知城固廉介自矢新學校勸農桑雨暘

應祈歲時豐稔

賈志

范時修成都人舉人嘉靖中知城固清廉愛民力勤堰務造祭器於

學宮建農亭於郊野

漢中府志

郭嘉文四川大足人嘉靖中鄉薦授盤屋教諭以身飭教遷白河知

縣以德化民未幾告休民泣不忍別

四川志

楊國卿河南考城人知石泉平易近民郡例送茶道路艱阻國卿酌

從洋縣水路運送民力以紓

賈志

姚潤通州人舉人知雒南虛心勤政約已惠民凡上有所索皆不與

曰吾不忍困民以婚人

賈志

楊應儒山東歷城人舉人知雒南單車蒞任清操卓然禁止強悍慈

惠窮簷又捐俸葺學課士人咸感之

賈志

邵相字立之山西澤州人舉人嘉靖間朝邑知縣廉謹自持政平訟

理役均盜息特建忠臣高翔劉烈女祠號知大體

賈志

任希祖字元孝四川蒼溪人進士嘉靖中知朝邑慈祥愷悌蕩滌煩

苛建白塚鎮堡城至今為利

賈志

郭三仁字商賢山西蒲州人舉人嘉靖時知朝邑朝蒲壤接三仁渡

河而西誓不受私謁有道士以縣田投獻蒲藩者藩宗利之三仁

委曲幹旋竟以田還民陞葭州知州

同州志

王納策山東淄川人選貢任邵陽知縣為人果毅事無巨細區畫可

垂久遠上官有橫索者正色以拒遂陰中之去邵邑士民談輒泣

下

賈志

徐效賢字宗義四川江津人舉人嘉靖中知澄城勤恤民隱訪求利

病簡催科息鬪訟興學校脩武備有古循吏風時人有今鄭宛如

古鄭後徐又似前徐之謠歷任四年卒於官祀名宦

澄城縣志

鄭光溥字伯公山東益都人進士嘉靖時以御史左遷澄城令文章政事皆可師法視篆未二年新縣治興學校具有成績擢知華州

士民泣送如失慈母

澄城縣志

姒鼎字伯謙山西蒲州人舉人嘉靖間韓城知縣時吏胥多不檢點至則約束如濕薪兩造聽讞隸人不敢索一錢吏終歲食數斗粟抱文案趨承而已里甲飼馬外無別供上官遣胥役至韓則日給三飯飯之外不得竊逞役人轉相告後遂絕跡於韓韓人以姒青

天呼之

賈志

何祥字子修四川內江人舉人華陰知縣地狹而壤衝公車絡繹歲無虛日小民疲於供億里胥滋弊祥洞察民瘼裁抑浮冗剔蠹裕民乙卯關中地震華山諸峪水北豬沃野祥冒暑疏渠築堰踰年

工竣民大賴之學宮傾圯捐俸增構民不知費士獲肄業華州南
爲商洛子午道華陽川抵秦嶺中途二十里屬華陰地使節經過
供帳煩費檄請兩臺俾華州洛南分任意獲免役陞襄陽府同知

賈志

楊仲瓊字子石洪洞人進士任蒲城令存心誠懇設法完逋負絲毫
不染至營學繕城不事筭筆而士民樂其成厯三載陞戶部員外

賈志

彭好古夏邑人舉人嘉靖四十五年知同官縣省事愛民清操絕俗
不以家累自隨後卒於官囊無餘金邑人共治棺辦殮立祠祀之

舊志

亢慶鴻山西崞縣人貢士嘉靖中知同官建奎光樓修濟陽永寧諸

寨爲縣防守計甚密蒞政日久得民甚深

賈志

石叙山西渾源州人歲貢嘉靖間任白水令長厚端方布政和順歲大饑民多流散叙集父老開誠撫綏民皆泣感復聚為之請賑多

所全活

賈志

劉相字元夫河南河內人知武功適均丈地糧相下令首田無敢隱

者總括每畝僅得糧二升半邑人感之陞知綏德州

武功縣志

楊永錫山東安東衛人舉人嘉靖中三水知縣倜儻不羣邑人巨奸

大猾重置之法歲餘豪右帖服畏如神明

賈志

劉儀字來鳳湖廣安陸人舉人嘉靖間任三水令處官清約為政安

靜恩及黎庶威服豪強廟學公署多所建修繼楊豫之後一人而

已

三水縣志

侯臣字世勲山西解州人監生嘉靖間三水知縣蒞政公勤修舉廢墜創修石門巡檢司并預備倉廩二所調知中部為政務順民心

舊諸稅並征臣循次催徵不刑一人而稅集善惡各有籍記擇其尤者榜於門民風丕變以憂去民垂泣攀留至今思之

賈志○按解州志無

兩侯臣賈志誤列二傳故合之

郭儒山西祁縣人舉人嘉靖間淳化知縣節省里甲調停徭役修文廟學舍及城堡墩臺不傷民財躬自儉約布衣蔬食去之日行李

蕭然祀名宦

淳化縣志

王一賢四川南部人由舉人任洛川令催科酌定三限人服其信建二城樓規制宏達朔望進諸生立程講學日夕不倦士林咸頌德

化

洛川縣志

石孟曜北直寧晉人嘉靖中知中部屬年饑後多方撫恤教民崇樸質尚禮讓矜宥疑獄保全善類

賈志

長仁覆字子旻邢臺人舉人任米脂令政治為諸邑最監互市者四

總理貨物出入稽察嚴明隨機應變處分得體績奏特蒙厚賞時期大用未幾卒時人惜之

賈志

阮孝湖廣麻城人嘉靖中授清澗令甫下車念凋瘵遺民弗克供課加意愛養民感之爭先輸納更招撫流移生聚日衆官舍倉庾皆

爲修葺

賈志

岳玉息縣人嘉靖中清澗知縣初清澗隸綏德文移往來北至州南

至府置郵煩苦且稽延時日玉建議改隸府報可上下便之

舊志

崔士偉山東武安人舉人隆慶二年知三水謙冲自牧下車初即以利病訪諸紳士得其可者施行之嘗以均地糧爲已任事將竣以

艱去

三水縣志

薛綸字汝爲天城衛人隆慶戊辰進士長安知縣以邑衝民貧爲請於上裒鄰邑之簡僻而力有餘者濟之民得稍蘇會均田綸躬歷

坵畝相田高下親自註記吏莫能上下其手邑稱平焉又念狡民
匿投勢豪夤緣為利乃執投獻者數輩罪之無敢復踵故習張良
弼等十一人誣陷大辟十餘年綸察其寃悉為伸理徵兵部主事
官至陝西按察司副使

賈志

聶武字仁卿當陽人隆慶丁卯領鄉薦除陝西富平縣蒞政精嚴發
摘如神有僧匿民婦歷年無問者武廉得狀置之法立焚其寺一

邑稱神君焉

湖廣志

李梓綿州人舉人隆慶六年知南鄭縣舊因山寇嘯聚當道者暫移
金寧城洋褒沔之差於南鄭寇久平而差不返民甚苦之梓至即
酌重役均徭賦民始解倒懸而釋重負立有安民碑

賈志

師祥字履卿安邑人進士隆慶中渭南知縣文雅英慧矚然不滓臨
民如保赤子會水旱為災畢力請蠲民獲實惠督撫與茶使者爭

奏茶馬事宜不協直指奉簡命檄祥勘驗祥平心體察國法民情

兩得其便三年徵爲御史

渭南縣志

徐旭富順人貢士隆慶時知雒南好士恤民時白花嶺礦徒猖獗躬

討之爲賊所圍百姓俱棄家奔救其得民心如此

雒南縣志

史燦字鶴汀開州人舉人隆慶末知富平沉毅有遠畧愛善良以德

制強橫以法百姓畏而戴之縣有總里日釀金候尹措用燦悉除

去民甚德之

賈志

傅好禮北直固安人萬曆初以進士任涇陽令愛民禮士有古循吏

風更葺官署學宮一時改觀延邑人魏恭襄作縣志陞工部主事

民立祠祀之又蕭汝芳字豐源遼東鐵嶺衛人萬曆間以進士任

涇陽令剛直有風裁又甯之翰字林閣山西聞喜人萬曆間以進

士任涇陽令精察勤敏兼有子惠聲皆與好禮同祠焉

涇陽縣志

楊守川號濬源絳州人舉人萬曆初富平知縣動履謹飭不妄交與縣北山產石諸郡縣採者令民代運歲費數千金守川申白均派民力為蘇

賈志

劉兌字景澤新安人舉人萬曆初知富平倡修邑志廣開渠道至今

水利永賴

賈志

姚繼先字子敬成都人萬曆初以西鄉諭遷知郿縣隨俗為治善收人心告諭百姓若家人父子嘗夜出微行察民所為詰旦則誦讀者繼膏紡紉者給絮為非者各以輕重受法民出不意踴躍勸戒在任三年調靈臺

賈志

霍文玉武岡人萬曆初以明經授清澗令罷不急之務節無益之費與民休息有關政體民生者悉為舉行一切廢弛皆加修葺崇臺門闢道路酌山城扼要處可以避寇者徙民居之且清操有素始

終一節賈志

陳惟芝河南孟津人萬曆庚辰進士知洛川戶口寥寥惟芝辟蒿萊

集流氓均田寬賦裕常平立義學養教漸興會猗冠雒邑嚴飭武

備躬率鄉勇禦諸境上緝擒十八人獨悔罪求解乃釋去後又蹂

躡旁邑雒卒無患擢御史

賈志

王光祖字孝標南陽人舉人萬曆十七年授安定令建敬學書院著

訓士編修縣志留心民瘼大有功於安定祀名宦

安定縣志

李字杞縣人舉人萬曆十八年知漢陰持身廉潔嚔笑不苟申罷站

役改折站銀凡可爲民請命者極力行之有去思碑

賈志

劉璞字柘山莒州人知鄆縣萬曆乙巳冬至任是歲鄆自四月至七

月不雨長吏遍走禱雨萬衆嗷嗷璞至承施粥之檄自輸粟五百

爲之倡於是義民王輔世等輸粟一千二百有奇民得全活先是

狃狃倡亂盤屋之白龍溝鄆之龐家村聲勢相應窟穴其中前令捕沙倉等十一人寘於法而探囊穿窬之輩尚多璞爲連環保甲法申嚴保伍每保壯丁二十人教師一人每月三日教習餘日歸農復舉社學教民間子弟又以社倉一事原額五千六百有奇內穀麥兼備貯穀猶易貯麥爲難循行區畫常廢寢食刊爲條例不期年犁然脩舉又以鄆田沮洳額浮咸陽者一之四浮咸長者一之二欲亟正之而未及蒞任五載擢監察御史

賈志

沈琦字仲玉吳江人萬曆二十三年乙未進士補高陵令踰月移三

原時縣民黠猾難治或勸以宜震懾琦曰三尺固甚具也奈何以民命立吾名視事惟教喻風曉以德意煦濡之境内無事

三原縣志

張應徵字元聘萬曆乙未進士授三原令時縣隸結郭西黠民爲奸應徵至罪其首惡黨即解散未浹旬才望大著寮案見憚性儉朴

治事三載案無累牘農有餘積以課最遷南北部去

三原縣志

王正志字淑明河南祥符人萬曆二十六年戊戌進士授富平令會

礦稅役興中使秉傳四出為虐關中中使梁永殘暴尤甚富平亡

賴子弟及富民怨家多附永煽嚇富民強奪財產榜笞繫刺發屋

椎埋百姓至不能保朝夕正志捕部民從永為奸者收治之姦民

亦陰持縣事以求中永怒正志乃具疏列永貪虐狀永亦誣奏正

志阻撓礦稅有旨逮械至京繫北寺獄三年卒

祥符縣志

戴章甫號以吾銅梁人舉人萬曆二十七年任韓城令鍊達明敏不

多科贖凡所營建皆可久其催徵不擾尤為邑人所德

賈志

李芳春字元馨山東昌樂人萬曆庚子舉於鄉歷郃陽令以廉惠著

聲相國韓城薛國觀過其地供應甚簡畧薛異之及見乃驚曰古

貌古心欲擢之會丁外艱遂寢

昌樂縣志

楊鶴字修齡武陵人萬曆甲辰進士知雒南才猷磊落下車除強暴

陳礦病嚴詭糧善政大行雒人有畏壘之祝歷官總督

賈志

鶴初任

雒南令以礦金抗中使除土豪首忤魏璫劾梁永以私陷咸寧令

滿朝薦之奸

湖廣通志

宋時隆咸陽知縣萬曆三十四年稅監梁永檄時隆取絨氊千五百

時隆不予遂誣時隆刦稅逮下獄閣臣揭沮不報

紀事本末

王邦才萬曆三十五年藍田知縣發奸剔蠹與稅監梁永相左為永

誣逮

紀事本末

滿朝薦字汝揚湖廣麻陽人萬曆中進士授咸寧令下車首詢利病

扶弱抑強均賦役裁羨餘勾攝不擾訟牒紛沓一訊立決有從稅

使梁永附益者次第擒捕下之獄羣惡弗便以阻撓誣奏調廣西

布政司都事束裝出關兩臺交章留之詔復職朝薦益厲志除奸

是時多有大盜投永爲爪牙朝薦捕治甚急盜欲假進貢潛出關
朝薦遣人追捕之永使殺盜以滅口誣奏朝薦刳貢殺人上怒命
逮赴對詔至士民哭聲遍巷市欲劓永腹朝薦百方省諭始解
臨行送者萬人有裹糧護送至都門者既返乃相與建生祠祀於
東門外長亭之左後歷官太僕寺卿咸寧縣志萬曆三十五年稅監梁
永誣奏朝薦承御史意伏兵渭南刳貢上怒命逮朝薦廷臣論救
不聽時緹騎至灞上宗室士民母慮數萬人圍永署朝薦間道始

就檻車

紀事本末

許興學山東人舉人知咸陽平易近民聽訟不以言折必得其情乃

止人視之如慈母尊師焉

賈志

王家瑞廣平人進士知咸陽愷悌愛民端方持已力阻開礦之害不

畏權焰咸民感恩立祀

賈志

馬民牧號心棠直隸南和人舉人萬曆中知臨潼政善拊循御百姓如家人父子有情必盡時采金內使首事臨潼聲勢赫奕牧與抗禮不少折一切開採事宜調劑悉當百姓恃以不擾後以捕禁逃軍致激訟於上士民數千控白其冤上官主先入竟論謫去賈志楊四教河南磁州人監生萬曆中為臨潼丞倜儻豁達臨政井然歷署諸邑皆有政聲劉化國南皮人監生萬曆中為臨潼主簿不苟不擾與邑令馬民牧丞楊四教共事稱一時之良去之日士民遮道餞送不絕臨潼縣志

劉憲字伯正山東益都人舉人萬曆間令高陵忤縣衝疲申請當道

掣回本縣協濟咸陽渭水驛馬驢牛站四十頭匹民少蘇焉鄉民

桑澤民等為監審編驛傳碑邑人知府劉自化有記賈志

袁化中字熙宇山東武定人萬曆間以進士任涇陽令愷悌樂易

士民若家人父子古召杜之流也百姓祠祀之

涇陽縣志

何朝宗湖廣道州人進士萬曆間授三原令疏濬三里渠斬木

勞於民事有循吏風

三原縣志

穆甯中字允執進士授三原令甫下車廉知民瘼戚不自安日勸民

力農桑尚節儉嚴學校絕請謁餽送供應之規民咸誦之

三原縣志

涂有祐字受伯銅梁人進士任三原令清慎勤敏政事之暇宏覽博

物登山臨水不廢賡吟聽訟迎刃而解凡所剖斷兩造成服至嚴

賈志

楊之璋字錫之河內人進士萬曆間授三原令時歲比不登璋緩徵

平價民賴以蘇

三原縣志

之璋嘗冤苦抑豪彊清介自持威惠大著比

入覲過里貸於族以行

懷慶府志

李棲鳳字翀寰山西臨晉人進士萬曆間任三原令不弛不激按說

法者數人重置之罪奸宄股慄民愛士附五年以薦陞去

三原縣志

程訓河南郟縣人由進士為盤屋令廉平不苛以愛養為心兩造庭

質多諭令和息各心服去性公正人不得干以私課試生徒終日

默坐士有離席語者輒面斥之吏多予告月以一入更直案牘

吏民賢不肖及姦邪罪名市集物價俱有籍犯者披籍收取無不

凜懾比卒老幼悲哀歸視之日號泣擁途至為罷市

盤屋縣志

梁克從號壺嶺河南鄆陵人進士萬曆間知盤屋縣寬嚴相濟持政

有方士民咸頌其德

賈志

克順字篆一即前令克從兄舉人知盤屋

為政振刷有風望牘無停滯剖決如流每至夜分不倦脩廢舉墜

煥然改觀擢御史順治初邑人舉祀名宦

盤屋縣志

和震字起甫祥符人進士萬曆中知渭南明爽無機械為政務在釐

奸剔蠹折獄不厭周詳得情後已退公庭如止水徵給事中

渭南縣志

崔邦亮字德嚴東明人進士萬曆間知渭南豁達明敏見事寔
莫敢欺至禮賢好士如恐弗及任六年徵御史歷順天府丞
徐斗牛字光墟許州人進士萬曆間知渭南賦性渾樸治行端方民
不擾而事理會監稅內官魚肉細民斗牛不忍毅然以身捍之璫
爲所阻不遂輒窘辱之竟以憤卒

賈志

楊所修字脩白商城人進士萬曆中知渭南縣精明亢爽聽訟如神
脩六司置噐皿叛文昌閣增修萬里橋植路傍樹行人賴之旌善
懲惡興文敦教居六年歷陞都御史

賈志

周維翰北直阜城人進士知宜川廉潔奉公奏記上官革協濟甘泉
之累民蒙其惠

賈志

趙永祿北直獻縣人爲延長令實政感孚時有虎白晝噬人道無行
客永祿祭祝遠徙他所延境賴以無患又值歲旱露體祈禱甘霖

立沛

延長縣志

陳國柱山西猗氏人舉人爲延長令甫下車即抑強暴懲貪墨豪猾歛跡振肅紀綱惟務實政學宮倉廩城堞皆爲經營脩葺延人感

之立碑頌德

延長縣志

李榮號景蒲平定州人舉人萬曆中知鳳翔縣有惠政興學校建南門邑人有掘地得金者或訐之榮曰彼自得金何與爾事何與我事居官數載人稱其廉陞南京兵部主事

賈志

王敬字蒼坪鹿邑人鳳翔縣知縣與知府沈自彰同心任事創條鞭

興水利開小南門以通風氣人文益盛敬有心計能任人時鳳民以戶口徵鹽課敬曰民非商奈何輸課於是貸公帑委役貿鹽官代民課立法詳密除母錢歸帑外餘子錢爲地方興作闔邑賴之及敬陞任去鹽本折而課仍累民矣

鳳翔府志

朱圻河南固始人舉人萬曆中自汧陽令調鳳翔明敏善斷精察過人凡所見姓名狀貌默識不忘有因事逃匿者忽於門外共語圻於堂上輒辨其音曰此即某也執之果然人以爲神

賈志

徐三畏字子敬北直任邱人進士萬曆中扶風知縣儀宇甚偉意旨深遠人莫敢窺境內傳舍供帳辦具得宜過客盡悅接遇士大夫情誼藹然自處甚簡尤重更張奉詔均田恐滋蠹擾乃爲之報罷及歲大祲郡下荒政條例曰救荒無奇予之可爲者省事止訟與停徵爾與民休息歲不爲災擢工部給事中

賈志

李茂春字蔚元杞縣人進士萬曆中知扶風丰格蘄然清操如水每於上官前爲地方陳利病侃侃無所顧忌期於利民

賈志

王祈禎山東館陶人扶風知縣長於鈎距下無匿情扶邑錢糧加耗始自前令黃鉉嘗先取羨金而令收役補償至是禁絕俾民自投

櫃胥役無能為奸延接士大夫以禮或有干瀆者輒峻拒之為一

郡最

賈志

劉朝繪四川大邑人萬曆中西鄉知縣重修金洋堰民沐其惠

舊志

劉應科山西垣曲人歲貢萬曆中麟遊知縣老成正直人不敢干以

私至比之包孝肅時值寧夏之變賊勢甚厲應科登陴誓衆築壘

固守嚙指自矢曰以死報國分也士民皆感泣尋賊滅以憂去瀕

行惟冠蓋圖書而已

賈志

張以謙字益吾河南洛陽人進士萬曆中洋縣知縣精鍊明敏宿弊

盡釐減糧賑窮民立祠祀之

賈志

李用中杞縣人進士萬曆中知洋縣資性英明才猷果敢力行均地

條鞭法由西鄉路修飛槽斜堰洋人永利立祠祀之

洋縣志

雅心傳仁壽人以舉人知西鄉縣申請茶法除民害商亦稱便至今

誦之賈志

李培樂陵人監生爲畧陽令革排年之擾除副差之害發奸剔蠹盜

息民安

畧陽縣志

鄧朝左南昌人萬曆時以舉人知紫陽仁慈廉潔編審以公又積穀

備賑時稱循卓

紫陽縣志

張繼芳沁水人萬曆中以舉人知紫陽才能敏捷修葺廟學纂集縣

志勤考課均里甲有遺愛碑

紫陽縣志

賀貢山西崞縣人舉人知雒南明察有守以單騎出討礦寇爲民除

害又賑饑繕城垣德政尤著民繪像奉之

雒南縣志

郭實字華伯高邑人進士萬曆間任朝邑令性嚴明有殊績歲大祲

賑濟有方民無流亡召入爲御史

賈志

史東昌山西蔚州人進士萬曆中知澄城性強毅敢言不畏權勢而

煦煦拊民不異家人父子貧民輸賦牛羊花布粒麥之屬皆准入親視衡量不任左右有行貸者亦藉而付之故催科不擾陞刑部

主事

賈志

黃榜綦江人舉人萬曆中知澄城勤於民事置學田立義倉又造木牛滾鋤以勸耕當事皆稱其才

賈志

高一夔陳留人舉人萬曆中知澄城精明仁厚善政宜民澄素苦徭

役重累單戶夔申請條鞭徭役始均

澄城縣志

南邦化安邑人進士知

澄城始立條鞭大便里甲後人被德不衰

賈志○按二傳俱云立條鞭法豈高令發其端

而南令成其事乎合傳之以見其終始云

馬攀龍號瑞洲四川巴縣人萬曆中授韓城令性慈惠介潔丁田賦

多溢額逋負日甚攀龍親經釐正而溢派規避之端自此永杜又韓之水利工不勤易堙漑不勻易闕攀龍爲酌田分期灌水堤堰

疏濬曠工必懲遇旱輒涕泣拜禱焚爪自責每有膏雨之應終其任獄訟盜賊爲之一清遷興國知州

賈志

王九疇字子範河南鄧州人舉人萬曆間華陰知縣均田弭盜多惠政嘗修學宮建北城樓立常平倉樹道傍柳復慈谷水故道與華牧力辦利害務期兩便民思之不置

賈志

劉澤遠祥符人萬曆間舉人知同官催科不擾建書院奎樓河堤諸公署併脩縣志文風丕變規制一新

賈志

劉夢陽嘉州舉人萬曆間知白水恢新學宮重脩邑志甚有功于士

民

賈志

黃汝槐湖廣鄖縣人選貢萬曆中知白水撫疲邑災氓政多愷澤境有狃民歲出劫掠汝槐申請勦除邑爲立碑與賈沈二令並祀

縣志

方本清字子任河南南陽人恩貢知三水有才識改建學宮補置俎

豆修司院葺城樓濬水渠十餘所茂績丕著

三水縣志

陳王庭北直永平人任洛川令清慎儉約凡錢穀訟獄剖斷如流吏不敢干以私洛川夙號繁劇民玩吏刁前後令斯邑者迆迆禁令怠弛王庭有精力敏於裁決故令行禁止風俗一變

賈志

江之滢汶上人萬曆中知中部精明果敢力植善類邑俊秀孤弱不

能自立者曲爲保全多方誘掖務底於成其里中豪猾交通吏胥

招納權賄武斷鄉曲者廉得其魁數人捕治之餘黨懾伏以艱歸

復補中部加意恤民尤勵廉節前後六載民悅士服陞任去邑人

泣送境外

延安府志

陳王道山西寧鄉人舉人令延川調繁清澗遇奸吏輒寘之法理獄

剖決如流四隣控籲者皆假籍以希聽斷且持躬介潔遇士大夫

不阿士崑其業民樂其注循聲大起擢貳正定

賈志

孟希孔字于時山西蒲州人進士萬曆末知扶風簡重寡言笑望之

凜然而冲懷可即初下車屏去文法曲爲綏輯徵收羨餘寄之公

帑凡營建公費卽以克之不更加派於民招撫流移予以牛種民

感其德輸納莫敢後期

賈志

鄧述中山西蒲州人舉人萬曆末知麟遊清介自矢一事病民如身

受之邑故苦疲述中徐爲料理不以督責擾民月三課士進以德

業後左遷去

麟遊縣志

張啟蒙霸州人舉人萬曆末知漢陰居寬行簡得爲政體調停差役

務從輕省脩尊經閣文昌宮魁星樓八蜡廟築月河堤造城門橋

歷任五年士民誦之

賈志

王之璽字符珍河南開封人舉人天啓初鳳翔知縣其言呐呐不出

諸口而政事暇整立易知單每戶以賦丁多寡爲次一甲給一單如甲不完限則乙不受單凡留單者責之民爭輸賦單行若流催科不擾

鳳翔縣志

熊引豐字年玉四川富順人舉人天啓初知扶風機警夙成更饒幹畧先是邑多逋欠麥秋後追攝四出胥役復上下其手竊取贏餘引豐廉得其狀無羈留需索之擾百姓爭先輸納吏民莫敢侵欺且應變倉卒不畏強禦奸宄戢伏境内大治

賈志

姜兆張字省宇山東掖縣人天啓壬戌進士任三原令下車之日問

疾苦鋤強暴有嫌其風節過峻者兆張曰稂莠不除嘉禾不植民

害不去民安得寧越二年徙長安令士庶擁車悲涕

賈志

兆張爲咸

寧令時撫按批行會議爲魏璫建祠兆張抗執不可遂削籍歸里

頌天

盧筆

王慶遠山東臨邑人恩貢天啟三年任安定令清介絕倫精明果斷
地方安堵有民耕得遺金百兩一人來告慶遠問曰是汝地金耶
彼地金耶答曰是彼地非彼金也當入官慶遠曰汝耕汝地得金
吾亦不以不入官罪汝也其人慚而退陞綏德知州民思慕之祀

名宦

安定縣志

劉昌號瀛洲祥符人天啟乙丑進士授三原令撫民多惠政月課士
講論不輟時議建魏忠賢生祠地上官意在三原昌力爭得免

祥符縣志

昌精於吏治案無留牘民無伏奸值流寇猖獗所至攻陷邑人

震恐昌乃明偵諜練土著慎封守綏輯持重境內無患

三原縣志

路振飛字皓月北直曲州人天啟進士涇陽知縣甫下車縉紳被奴
誣訐奉旨訊擬時已文致大獄屬四邑令會訊莫敢平反獨毅然
判曰某必無死法當事咸難之振飛曰即有譴責某力任之既覆

奏得減戍已間歲大祲設法蠲賑撫集流移凡活數萬人未幾旁縣盜起延及雲陽振飛團練鄉勇人自爲戰身先士卒殲其渠魁數十人寇相戒毋敢入境又以渭水通商舳艫滿望而涇至弗任舟楫親歷河澣量度深淺疏蕩泥土令可舟行乃先爲小船試運之漸繼之以巨艦渭川百貨咸集於涇所省輦負費什之八復聽民自造船通貨不得以稅擾民咸便之尋擢御史

賈志

張京字士將漢陽人舉人天啟中扶風知縣清約恬淡以文學歸吏治不用行戶不取贖鍰禮賢愛士一意拊循嘗有武弁暨司掾騷擾驛站即按治如法值歲祲盜起設方畧殲渠魁四郊晏然又多方拯濟全活甚衆

賈志

州俊山西曲沃人舉人知南鄭縣時常板子張義脫伍寇漢中州俊單騎請兵平之陞本府同知以守正不阿致仕歸

賈志

徐汝正號二寰宣城人萬曆己酉舉人西鄉知縣時瑞藩封漢中道

西鄉舳舻相望民夫牽輓不勝驛騷汝正操小艇懷箋謁王爲民

請命風作舟溺求屍三日始得之湍水中猶衣冠端坐石上一門

役捧足而跪邑民環哭失聲立祠祀之今相傳爲漢江神

江南通志

亢孟檜

陳鼎留溪外傳作孟元檜

號似何臨汾舉人初授洋縣有惠政瑞王之國

供應繁劇力請於王申飭從行宦侍旂尉不得擅騷民間閭井晏

然王以此得賢聲而官民歌思孟檜不置又開堰浚渠民享其利

續表

忠記

曹宗載字圯儒雲南臨安人舉人醴泉令以清廉調繁洋縣蒞任五

年講鄉約止刁訟脩學宮勤課士風俗一變

漢中府志

胡上進北直藁城人以明經知鳳縣清介有守以憂去復補鳳縣未

幾賊突至全家遇害撫按題請褒卹

賈志

成材山西清源人崇禎初知宜川時饑饉枕藉盜賊四起材恩威兼用內撫饑民外捍強寇宜人賴以保全

賈志

羅熿山西清源人舉人崇禎初知延川時延屬土寇披猖孤城受圍熿訓練民壯誓衆死守城獲保全居北門城樓者五年終歲不返

署歷陞戶部郎中

賈志

鞠思讓山東文登人恩貢崇禎初以王种盜起自鎮安調令白水勦撫確有指畫值歲饑賑恤貧窮境內晏如

賈志

姚一麟山西太原人由舉人知中部值崇禎初兵戈擾攘饑饉頻仍廬舍灰燼民僅子遺一麟加意軫恤撫殘黎復縣治漸有起色且

嚴明果斷吏無骫法民獲寧宇歷陞漢中知府

中部縣志

楊天際號衝元四川龍安人恩貢崇禎五年任興平令當流寇猖獗訓練民兵料理火具保障一方士民思之

興平縣志

梁士淳字昭質北直正定人崇禎辛未進士爲涇陽令蒞任首
校政事稍暇即進諸生談經課藝孜孜不倦士風丕振時流賊方
熾登城環視築堞濬池費計數千金不損公帑三月工竣又擇民
勇敢者因鄉爲伍連伍成營以諸生能騎射者分率之按時訓練
以備不虞是以他邑多蹂躪而涇邑獲安堵撫按亟稱之其催科
不擾杜絕火耗吏胥無得侵蝕尤留意貯穀備賑設法糴糶使倉
有餘積故屢值水旱邑不爲災調繁長安以外艱歸囊橐蕭然人
比之琴鶴清風云

賈志

韓景芳北直長垣人舉人崇禎七年任醴泉令清嚴耿介不避豪強
時流寇猖獗所在焚掠景芳脩城池嚴守禦百姓賴以保全祀名

宦

醴泉縣志

趙躋昌山西解州人舉人授咸陽令崇禎八年八月初五日遇賊死

之咸陽縣志

王國訓字振之山西解州人天啓進士崇禎中知扶風天性嚴毅剖決如流訟平政理自奉儉約恥爲夤緣八年秋寇薄邑城四面攻之國訓繕修守具捍禦六十餘日力竭城陷被執不屈罵賊而死事聞贈光祿卿賜祭塋廕一子賈志

趙之琴字舜清遼東鐵嶺衛人舉人崇禎八年知淳化時七盤諸隘盜警豫儲火器完城櫓賊至躬冒矢石斬馘甚多賊始退創立馬神祠恤里甲馬頭之役民甚德之節愛碑記

吳從義字裕強浙江山陰人進士長安令初謁選者率營善地從義獨曰避危疆不就豈臣子分誼且吾貧若稱貸營之後不剝民以償耶卒得長安時流寇充斥詔三邊督師孫傳庭移鎮西安兵十餘萬糗糧芻茭咸取辦於令秦府宗室及縉紳佔業者居十之四

名爲寄庄無他役役獨累小民從義不憚強禦令豪族均輸民獲
稍甦而兵亦無譁舉卓異督師陷陣歿長安勢如累卵從義佐撫
軍誓死不貳繼娶胡至署家人以合卺請正色曰此何時也而爲
此浹三旬終不一顧分汎南門賊攻城西門先陷吏請携印出走
從義曰城亡與亡吾將安往見一僕在側曰吾當以死報國汝素
忠謹可奔訃吾家新閨人尚未成禮仍歸其母言畢入關帝廟卸
戎服易冠帶望闕叩頭投井死年四十有三賊知從義死戒其下
毋犯其署家人得全從義爲童子時夢一長者拊其背曰歲寒松
柏其在斯乎寤而誌之至是果驗後贈按察司僉事續表忠記從義崇
禎庚辰進士辛巳筮仕長安有廉名癸未冬逆李入關城陷從義
詣關帝廟易公服望闕泣拜如張睢陽之言曰生無以報國死當
爲厲鬼以殺賊遂引刀自裁爲吏奪去未死徐步殿後有井舉身

赴之猶未死爲賊邏者所覺欲引出謂爾何自苦肯更事富貴可

保從義於井中厲罵賊怒推石灰下擊死

方學舜忠烈碑。按方碑記從義死事與續表

忠記微異故並識之

張宗孟字泗源山西定襄人進士授鄠縣令未蒞任寇薄城下宗孟

聞警兼程而進至則四門皆土野服從間道登陴鼓勵守者賊宵

遁乃治鄠城四隅建敵樓重葺四門創懸樓二十二座建堡六十

六處各設火具賊過城下輒相戒毋敢犯又建市心樓重脩大成

殿移泮池櫺星門外居恒與人語煦煦可親而階庭肅穆吏胥奔

走無錯趾諸臺橫有徵調即拒不應左帥兵過處俱入城宗孟拒

之一切供億置城外局其門因誣譖於督院上其事奉旨勦問士

民保留乃以降級攝令事任八年陞刑部主事

鄠縣志

張宗孟字我恂濟寧人進士崇禎間知三原志操清白不染一私

催徵剔積蠹撫卹瘡痍勦除強寇士民德之

三原縣志

楊暄山西高平人由進士授渭南令老成厚重甚得民和歲大祲畢力拯救奸人乘機行劫斃之杖下民得稍安賊兵抵渭南暄已擢兵曹未行與學官蔡姓者同守會舉人王明誥開門迎賊暄被執

罵賊死

續表忠記

柴國弼遼東人歲貢知安塞長於禦侮明戰守之法衝鋒破賊城賴

以全以疾卒邑人思之祀名宦

延安府志

陳炳河南孟津人舉人知安塞時大饑道殣相望寇盜充斥炳煮粥

活人以千計復力捍孤城邑人賴之

延安府志

蒲來舉

籍失考

知甘泉縣賊來犯守備孫守法等擁兵不救城破來舉

手刃一賊傷六賊而死

續表忠記

郝鴻猷字勲甫北直霸州人崇禎時以舉人授延長令延長處賊窠

中賊營蔓延數百里鴻猷單車之官既而賊環攻延長鴻猷設守具捍禦忠誠感人父老子弟效死弗去賊攻不勝遂引去圍既解冒雨巡城墮而折脇移病歸數月城遂陷延人尸祝之初學集鴻猷負偉才有膽畧時巨寇號一字王嘯聚延水關鴻猷預謀守禦凡作止部伍編成詩曲俾兵民習歌之不煩號令行壘肅然賊至列陣於前單騎至營諭以利害賊懼遁去孤城賴以無患○延長縣志按鴻猷二傳事跡微不同由前傳可見其忠義由後傳可覘其謀畧故並錄之

萬代芳遼東人崇禎時為延長令廉介自持慷慨有氣節時流賊犯境躬率士民脩戰守之具及攻城晝夜堅守力盡城破乃退守上城用砲擊之砲未及燃賊蜂擁至乃北面再拜曰臣力竭矣自刎而死祀名宦延長縣志

唐夢鯤字化卿番禺人萬曆乙卯舉人知寶雞縣縣為三秦劇邑或

謂夢鯤曰公年垂耳順遠宦崖疆爲公危之夢鯤笑曰爲朝廷臣子安所避甫入境潼關失守賊欲取道寶鷄夢鯤力禦之邑得無恙未幾李自成據西安三秦相繼陷沒夢鯤知彈丸不能獨完一日晨起慷慨謂僕曰吾力竭矣唯一死以盡吾職悲憤痛哭縊於官署時崇禎癸未十二月十八日也上聞贈光祿寺少卿賜祭葬

焉

廣東通志

魏權中山西武鄉人崇禎中貢生知鄒縣長才太畧果於任事當流寇猖獗能練兵守城賊數環攻隨宜守禦時復破斬賊級陞西安

同知

賈志

夏紹虞湖廣襄陽人崇禎中貢生知麟遊以新城未據形勝上疏改復古城剏造宏遠至今賴之

賈志

呂鳴世福建人由恩貢爲麟遊知縣性介特以風教自任崇禎七年

八月城陷被執賊聞其廉惠惜之未忍加害鳴世發憤絕食六日

而卒

績表
忠記

蔣汝艾字玉衡興安人以歲貢任洋縣訓導陞西鄉教諭崇禎時巨

寇肆擾委署南鄭篆招流移恤困苦設法殲捕賊不敢近

興安
州志

司五教字敬先內黃人以明經知城固縣時逆闖遣賊帥田見秀擁

衆攻城五教以大義激士民固守閱四日力盡城陷被執賊帥逼

之跪厲聲曰朝廷命官肯爲賊屈耶索印曰印已還天子賊怒遂

遇難

畿輔
志

程謙字六吉山西岢嵐人崇禎中以舉人知西鄉勤敏廉肅吏胥畏

法署洋縣城固值流賊四起鄰邑悉遭蹂躪千里內無堅城護設

法督民守禦三邑俱安堵無恙

賈
志

郭鼎藩字翰宇涇陽人萬曆丙午舉人初爲沔縣教諭適遇逆闖

賊數萬夜薄城下縣令恐懼鼎藩慨然以城守自任泣勵義勇親冒矢石賊被創以去汚人勒石紀績尋署事鳳縣寬賦稅除強暴士民有一清徹底之謠

賈志

郭一龍山東曹縣人舉人崇禎中知洋縣清正剛介流寇逼城竭力捍禦以病卒士民哀之

賈志

張鵬翱北直臨城人貢士崇禎十一年知漢陰慷慨勤敏毅然以滅寇為事歷任五年治績煥然一新

賈志

劉廷徵北直樂亭人舉人崇禎間任洛南令博學能文蒞治誠信剛正不阿時流寇數十萬攻城浹月廷徵殫力守禦賊引去人追思

之

賈志

董三謨黎平人舉於鄉崇禎中授山陽知縣賊陷城三謨與其父嗣成第三元妻李氏携子女皆死三謨多惠政百姓素感其恩及全

家殉難賊退百姓羣聚而哭之後贈光祿寺丞立祠嗣成三元並

祀妻女建坊旌表

續表忠記

范志懋河南虞城人舉人邵陽知縣性剛毅尚名節甫至邵流寇環攻城十七日不下先是邑城設有韓邵營糜費民萬三千餘金力

請撤去後以懷來叅議殉國難

賈志

溫素知字忠赤山西聞喜人貢士崇禎間任華陰令慈惠端方色笑不輕假有揮霍之才遇事直斷悉得其情調邵陽值歲大祲憂旱

成疾遂卒俸餘數十金紳衿致賻僅得歸視

賈志

田臣山西忻州人舉人崇禎間知蒲城凡事務盡實心威嚴御下吏

胥不敢爲奸浚濠繕城有功保障邑人塑像祀之

蒲城縣志

朱一統平度州人舉人初任蒲城西安破屬邑多降一統獨曰吾家

七世衣冠至我臣賊不墜我家聲耶體素肥令家人擴井口以待

會衙兵叛奪印趨澤一統瞋目曰

一日未死印不可得也日

暮左右盡散從容赴井死縣丞姚啟崇亦死焉

續表忠記

王無逸寧陵人貢生崇禎間知白水明斷不撓大修城陴後寇潛入

城陷無逸猶著公服罵賊死

賈志

迴瀝潘府宗室由宗貢生知白水習法律吏不敢欺賊入城猶手弓

射賊與學官魏箴典史劉進並被難

續表忠記

李麟禎北直深澤人貢生長武令築城鑿池修製火炮民初怨之數

年後賊盜蜂起戰守恃以有具

賈志

惲紹美湖廣人知長武值庚辰之變頽垣敗井目不忍覩紹美署長

武脩城垣招流離救荒弭盜大有恢復之功夜宿戍樓作長武愁

吟三十首邑人感其德咸以爲姪美梁公云

賈志

萬雲路北直吳橋人中部知縣仁慈愷悌時征役不息兵至輒病民

於是士民閉城不肯內兵督師怒執衿士欲杖之雲路力抗不從卒於官闔邑泣送出境

賈志

新堞

作堞誤

汾府宗室以十四年恩貢選授中部潼關破賊傳檄至新

堞方巡城手碎其牌欲歿死守邑人皆股栗乃集父老告之曰封

疆之臣有死無貳汝等可各為計吾盡吾節而已未幾賊至妻盧

孺人妾薛氏馮氏皆請自縊馮猶未合襁揮之去不可垂泣願從

有女纔數歲拊其背而勉之縊書表封印馳上京師冠帶向闕拜

又遙拜其母遂自縊邑人葬之社稷壇側妻妾與女咸附

續表忠記○按

紀事本末李自成陷潼關分兵畧鄜延中部知縣華堞知城小不支遂經死事與山同疑華即新字之訛

周瑚北直行唐人恩貢崇禎中知清澗剖決疑事如習知戊寅流寇

逼城數月瑚嚴為守禦多出奇畫危城得完

清澗縣志

胡允賓賓州石阡人崇禎末為延長令時兵戈連歲饑饉頗仍允賓

嚴守禦勤賑恤殘黎獲安精明果斷吏無訛法人無遁情

延長縣志

按令長爲親民之官其惠愛及人尤切雖舊志所遺未可棄也
如唐長安令盧文秀宜春人美原令崔衍失其籍陳倉令薛景
先失其籍澄城令宗義仲南陽人宋長安令馮子脩西克人高
陵令范棟失其籍鄠縣令張伋失其籍渭南令宋白大名人陸
游山陰人下邳令蔡冠卿南城人扶風令錢文敏新安人郿縣
令賈藩失其籍汧陽令朱景偃師人武功令王頤失其籍金安
定令張亨郭縣人蒲城令馬揚東平人好時令張去華臨海人
元咸寧令王義寧晉人高陵令張密失其籍鄠縣令寇靖失其
籍三原令陳思道新安人三原令郭正正定人盤屋令孫明道
醴泉令嚴承直甘泉令張鼎成安定令李德源朝邑令成好德
俱失其籍韓城令解榮祖大華人米脂令武秘河東人姁庸道

陝州人府谷令薛治失其籍明長安令李時涿州人褚環交河人沈聽之商城人孫三傑樂安人王時英垣曲人咸寧令孫浩失其籍何鍾富順人李宗延汝寧人李得中內鄉人陳王庭盧龍人劉有源江西人咸陽令郭在豐太康人李經邠州人趙璉歸德人孟統寧陽人楊睿獲鹿人底蘊考城人李仁濟縣人楊鉞香河人王三錫內江人曾傳德陽人傅需忻州人宋國相濱州人張名世馬邑人興平令王棕獻縣人朱瑄廬陵人陳常叙州人田適汾州人劉賢曹縣人李景先邢臺人郭孔完新鄉人王思任山陰人閻堯年隆平人臨潼令徐鏞興國人張一鯤定遠人張蒲偃師人劉文煥光州人高陵令楊清太和人張錦山東人馬政柘城人段讓洪洞人劉安臨城人鄆縣令王文秀觀中人楊祐內江人藍田令郭坤高平人周潁太原人楊培解州

人陳一夔光州人楊紹先高平人三原令龐輔鄉寧人陳榮成
縣人劉耽武定州人朱芾涇水人莫譙大興人謝鵬衛輝人張
治潁川衛人李昌興濟人高進孝獲嘉人盤屋令劉遜儀徵人
傅寵重慶人羅良禎成都人秦聚奎漢陽人王之翔蘄州人何
迥秀正定人渭南令周璘博興人宋禮邳縣人宮顯樂至人嚴
用四川人褚順祥符人王宮用成安人劉翺內江人靳廷賓歷
城人梁許孟津人徐吉內江人王九叙肅寧人張希夏蒲州人
富平令李壽昌太原人王傑失其籍韓楷山東人郭鎔失其籍
陳潤順天人張本韓凱俱失其籍王宗源吳橋人劉藻彭縣人
劉希簡漢州人胡志夔安邑人劉尚禮汾州人何通衢巴州人
楊君惠徽州人宋果萊陽人馬呈德杞縣人醴泉令胡璉湯陰
人張剛鞏縣人張相蓬州人王錫洪洞人王佐蒲臺人韓嘉會

睢州人劉佐德陽人張惟易上蔡人姚燭襄城人張大美雷益
人芮質田寶坻人陳奇策絳州人賀仲軾獲嘉人程尚勤長治
人膚施令董汝豫洛陽人安塞令趙之庠四川人彭堯昇藍山
人甘泉令郝鏗吉州人安定令劉整孟縣人鄭淇汶上人李巖
博平人徐彬滎陽人劉鑑陳州人王道盧龍人曹銘臨清人陳
言信陽人范盈曲陽人李時魏縣人張永茂浮山人田應聘雞
澤人高天命德州人邱雲肇諸城人胡燭全縣人保安令張庸
江寧人朱通宛平人陳暹永平衛人何定保定人王正武清人
南泰洪洞人黎昌期廣東人宜川令符仕寧陵人呂封齊失其
籍彭耀廣東人延川令馬憲武康人馬元正定人張友先通江
人賀瓔寧鄉人王永清遷安人陳文麻城人劉宗禮大名朱
庭弼保德人齊璿燕山衛人齊堯智慶雲人王顯館陶人

元常德人劉正寬安邑人彭應元筠連人蘓庭益都人
雷潔平遙人張世英洛陽人王道明黃縣人王嘉坤
國勲大同人鳳翔令蘓夢蛟綿竹人岐山令王澤失其籍張緒
宗固安人榮節遂平人汪玠巴縣人陳鶴陽資陽人蒲軾崇慶
人馬彥卿內江人寶鷄令師嘉言河津人扶風令周本瀘州人
孫昌弘農衛人楊瞻蒲城人郿縣令方豐建昌人馮清灤州人
毛振西平人劉翺大同人賈杲李溢俱祥符人程章內江人張
文煥掖縣人李嘉祿禹州人汧陽令王彥祥榆次人翼進唐山
人麟遊令冉鼎中牟人劉預絳州人張紳商河人朱正光大足
人李應時榆次人劉應科垣曲人熊文煒隆昌人南鄭令李麟
綿竹人馮英寧晉人霍鎮芳光州人甘惟燦海澄人褒城令王
魯鄆城人侯明洛陽人張表鹿邑人李籌營山人張庚曹縣人

胡復之南溪人展學蒲州人程士奇通山人焦應鶴保寧人城固令曹璧稷山人胡海饒州人趙思仁昌平人經希伋廣西人劉振平陽人李材邠縣人熊讜麻城人喬起鳳安邑人劉振益南部人高登明翼城人西鄉令陳昂高安人郭璣高平人李暉內鄉人關廷訪沁陽人李向春高平人洋縣令劉質吉安人馬驤偃師人王黼武進人王勉宛平人崔璽燕山衛人成儒新城人李政葉縣人李惟幾祥符人盧可兆重慶人張連潼州人閻邦寧原武人李良棟合州人姚誠正安邑人鳳縣令馮惠安陽人戈恂江陰人楊忠聞喜人馬傑利津人畢達齊河人路諲河內人甯浩遼東海州人蘓玪懷慶人薛應奎臨晉人譙秉彝南充人司思內黃人趙世英中江人向閣通江人胡可教新城人沔縣令王昱失其籍姜仲能江安人侯信泰安人李澤歷城人

張賢廣葛人畧陽令常輔閬中人李顯貴金堂人胡邦彥易州人杜介石州人申如埧延津人傅爾正滄州人洵陽令李肅失其籍黃元晉寧人羅熙射洪人南兆濮州人紫陽令張亨甫內黃人羅埧劍州人郭四維夏津人周宗懿忻州人李守仁順天人石泉令樊均考城人陸旗歷城人盧繡寶應人孫宥考城人周延齡武城人郭一儒安化人漢陰令劉亨黃縣人唐希介陽曲人李時秀孟縣人袁一翰曲周人鎮安令楊永清忻州人張鳳翼沛縣人洛南令楊企陝州人鄭英失其籍楊士元聞喜人高綬遼州人苟衡山富順人景二陽富順人陳應顯沙縣人洪其道商城人李燦棗陽人山陽令王時雍垣曲人商南令崔輔王舜民俱失其籍朝邑令蘇槃南陽人邵陽令李郁四川嘉定州人董鑑延津人譚啟大寧人王邦才盧氏人澄城令王秩失

其籍趙瑾博興人楊泰代州人孫璉新蔡人洪廷玉晉定衛人
杜國漸南宮人毛丹鳳威州人徐時勉江南嘉定人傅應鳳浙
江山陰人王選西充人韓城令王宏青城人王鼎湯陰人楊遇
春陳畱人吳雄封邱人郭松山西運司人鄭鉞祥符人全文都
勻人任鎧平定州人蘓進祥符人任康世滄溪人李應選趙城
人華陰令曹光安邑人莫九齡益都人王濟城武人閔以仁渠
縣人陳希元東光人唐寅營山人趙綱樂平人蒲城令史遷金
壇人楊觀新都人黃端項城人劉大謨儀封人侯秩長垣人李
瑤解州人李燭然汶上人同官令郭瑄忻州人傅鼎直隸清河
人白鎮平定人顏順景州人張貴珉景州人楊茂夾江人周俊
洛陽人彭好古夏邑人吳洸威州人馬鐸定興人孔尚標曲阜
人白水令柴忠陽穀人賈實滿城人周賢柳州人趙

賈熙載雞澤人沈嘉賓保安衛人張名世馬邑人武功令李

澠池人寇如圭宜賓人賴禮南康人宮廷靜樂人曹安靜樂人

張宏內鄉人党茂忻州人高遂繁峙人魯變睢州人李舒芳陶

邱人李雲夷陵州人劉渤然新安人陳嘉引東平人永壽令伏

伯安歸德人龍儀萬載人胡紳潛江人郭質高平人白祥館陶

人李剛定襄人鄧百祿崇寧人徐州守金堂人三水令錢若愚

宜良人傅廷佩遼東人李遷武強人吳之翰蘄州人楊津昆明

人謝三詔偃師人陸敏學大同人唐萬齡淮安人高知登封人

淳化令趙文博代州人劉玉宣府人李梁磁州人湯浙臨湘人

方應節玉田人歐陽煖遵化人長武令梁道凝秦和人洛川令

朱炳吳縣人李瓚湯陰人苟鵬蓬州人古民四川人楊勗宵聞

喜人李廷儀霍州人馮養志高平人韓必顯安邱人中部令黃

琮失其籍謝文昌四川人鄭源許州人蕭章岢嵐人胡憲新繁人雷啟東汾州人譙仕雄眉州人宜君令金聲華亭人韓慰大名入宋名儒李廸康俱平陽人米脂令孫繩武即墨人清澗令侯華陵川人趙璐任邱人高室大名人魏朝宗岢嵐人陳汝元浙江山陰人唐思周磁州人郭磐石棗強人吳堡令范平仲失其籍李文煥大同人袁禮失其籍崔謙高平人李雄永平人鈕繼武德州人張弛遼州人張廷鳳魏縣人李錦翼城人馮訓博平人傅嘉行渠縣人楊宗范三河人杜邦泰阜城人王邦麒臨汾人靳學古盧氏人簡國寧石阡人神木令楊聰密縣人府谷令劉綱禹州人田章東鹿人白爾心吉州人范學顏翼城人劉源四川人王民範文安人並錄存之亦以見愷悌慈良去思猶在云爾

索應運德州人拔貢順治二年爲白水尉寧人省事循聲大著流
寇陷城不屈自縊死又署令趙瀚者賊至被執賊素知其才歎
語誘降瀚不對已而大罵一賊曰是終不爲我用盍殺之以成
其志遂遇害瀚榆社人以同州州同來攝縣事亦順治初年也
朱永譽永年舉人順治二年知郿縣甫蒞任流寇賀珍自漢中寇
長安道攻郿遣使招永譽許以厚祿永譽收縛其賊賊怒攻圍
五晝夜城陷被執永譽挺立不跪罵不絕口賊衆鬪殺之事

聞贈按察司僉事廕一子

傅性良登封人順治初由貢生知永壽縣賊賀珍圍城性良堅守
獲全總督孟喬芳上其功陞蘇州府同知

靳榜祁州貢生順治二年爲澄城令敷政寬平與民休息會邵陽

魏天命倡亂勢張甚三年春澄城被寇榜死之

趙廷臣字君鄰奉天鐵嶺人順治二年知山陽縣邑屢經兵燹民多流散廷臣招諭使歸均徭緩賦民以安集丁亥歲大饑倉儲無餘廷臣捐金糴粟計口賑之其老弱顛連者復按季周給多所全活逆賊劉二虎聚衆數萬鄖寇王二等先後攻山陽廷臣晝夜固守賊不能下悉遁去其他山寇竊發者廷臣登陴諭以大義賊多感服受撫嘗率衆偵賊爲伏莽所中廷臣扶創歸益嚴守禦曰吾爲

國家守土於身何有山寇王希榮久據鎮安執縣令置寨下勢甚猖獗臺司檄廷臣往撫廷臣卽單騎至賊營宣揚

聖朝威德言詞侃侃希榮遂降廷臣挈前令並印綬以歸臺司咸器重焉歷官浙閩總制山陽民建祠祀之

馮聖朝河間人由選貢任雒南知縣時兵火甫定與民休息凡有利害即單騎入省面陳臺司豁荒糧定額賦水旱疫癘祈禱立應會順治二年邑有嘉禾瑞麥之兆士民僉謂賢令所感

王用傑陽城人貢生順治三年授澄城令時澄方被寇用傑請兵親勦執賊魁康姬衛戮之餘就撫四境帖然於是修文廟復衙署設施井井可觀

賈廷璋山東人貢生順治四年知宜君縣六年王永強兵陷郡城遣人至縣趣繳印廷璋怒罵曰此宜君令印也孰可索亦孰可與兵至遂遇害僕亦從死事

聞贈廕如制時典史方一御亦死於難康熙五十八年入祠

黃瑤字白雲四川忠州人舉人順治四年任安塞令才智明敏遇事敢爲殘疆大有起色六年王永強作亂瑤誓死守孤城力拒

強敵卒殞於難事

聞贈按察司僉事廕一子入監時變起倉猝郡邑守禦無資有洛川署令郭璨亦以守城力屈死

徐之龍字仲升江陰人順治四年由恩貢授神木令逆弁王永強兵至之龍嬰城固守城陷之龍慨然曰吾受

國恩當以死報誓不覩顏求生遂罵賊死之事

聞贈按察司僉事

賜祭葬之龍二子廷綸寵綸在署亦皆遇害

姚欽明江寧人貢生順治四年宰澄城削平餘孽招集流亡以荒

糧為澄民累條悉諸弊申請再三得邀

恩免至修文廟賑貧寒改陸運靈免獄尤見愛民實政

王儒濉縣人宰三水順治初寇氛未靖城西堡名鰲槐者公署舍

庫所在爲一邑要地時經兵燹儒尅期修復守禦備至四境
然民懷其德爲建祠樹碑以志遺愛

李溥字雷澤鄆陵人順治丙戌進士授三原令英爽有幹才時流
氛未靖數窺縣城溥繕雉堞練鄉勇儲峙甚周九年春賊破西
鄉王堡據截薛山溥借兵鄰鎮直擣賊巢盡殲之四郊以寧內
陞戶部主事三原人肖像祀之

趙賓陽武人順治丙戌進士知淳化縣時寇氛未靖賓脩城設險
邑民安枕淳邑浮糧猶沿明季舊額賓哀籲上臺得疏請蠲數
千石一時有更生之慶擢刑部主事去

張舜舉順天籍進士綿竹人順治六年授蒲城知縣清明仁厚勇
於任事先是王永強竊據蒲城及亂定城市一空舜舉招集流
亡安撫備至慮兵民雜處不靖建立營房俱得安堵又請停舊

逋免新荒民困獲蘇北山巨寇唐威方熾舜舉計斬之餘黨悉散邑境以寧政暇以風化爲已任興賢育德士知敦行復裁定縣志捐俸刊行

蔡祖庚字蓮西上元人進士順治七年任甘泉令甘泉在明季時兵疫頻仍田荒丁絕庚下車招流移革耗羨禁私派豁荒糧禮士愛民殘疆始振康熙二十年甘泉令黃日煥復請除荒丁於是民累永息日煥永定人順治辛丑進士後擢邳州牧

王廷議翼城人順治己丑進士庚寅任清澗令時叛逆未靖大兵圍府谷人心皇皇廷議計安反側調度軍需整頓有法爲政聽斷如流不事鞭朴催科不遣胥役輸納無後期者五年之間時和歲稔盜息民安臺司交章薦之擢戶部主事老稚泣送於道者踵相接

吳汝爲霑化人順治己丑進士除麟遊令麟故小邑兵燹後戶凋殘汝爲至殫力生聚教養有方至減荒地浮糧免鹽課積糴尤大有造於麟邑康熙四年入名宦祠

邵伯蔭字子南閩縣人順治壬辰進士授高陵令嘗奉檄清丈田糧悉蠲浮額性精察剔蠹除奸無所容隱適渭南涇陽二令缺邑民爭赴撫軍乞邵令攝篆遂攝渭南縣事又攝篆藍田皆有惠政

蘓就大交河人歲貢順治十年由教諭陞藍田令歷任五載新學宮濬水道立墟市修橋梁易直子諒士民戴德爲之建祠立碑王滙字彭濱儀封人順治壬辰進士十三年任安定令邑號彫敝滙下車撫綏不遺餘力詳革驛站浮費催科有方決獄無滯自奉尤儉居二年丁內艱去民立碑思之歲久碑圯復選石重勒

焉

范式金秀水人順治十三年由監生授宜川令宜川自前令報墾之後丁糧增舊數倍邑民流亡過半式金撫字催科心力交殫又詳請憲司備陳民力不堪狀得

旨俱照舊科折正減田額四百餘頃由是民力稍完又鎮川魚河歸德三驛以宜邑民夫協辦多被勒索式金詳請定議以站銀解道民夫得免賠累歷任十二年以老去職猶以捏報丁銀開除未盡爲耿耿云

李天叙安陽人拔貢順治十五年任洋縣令慈惠剛方時吳三桂駐漢中招買繁重民不堪命天叙不避利害痛哭力爭闔郡均得豁減以父憂去洋民立碑頌德

駱鍾麟字挺生臨安人舉人順治十六年知藍屋縣性和易喜與

士大夫相接時李顥講學里中鍾麟尊以師禮往復不倦已歲
北去渭不十里鍾麟循行河畔知水勢將南侵張自覽家寨迤
東開復古道衆難之不果康熙元年夏大雨渭水南溢將及城
鍾麟率僚屬跽雨中爲民請命願以身逐逝水久之雨漸止水
亦頓減又徙而北流者數里人以爲精誠所感

鄭崑璧字崙輝文水人順治戊戌進士知富平縣富平故多水利
崑璧因勢利導各疏支渠凡漆沮金定北溫泉諸河濱岸地悉
成沃壤又編審均數里胥無得上下其手在任數年治績井井
可紀

羅人琮字紫蘿湖南桃源人順治辛丑進士除朝邑令剛方慈惠
念切民瘼驛馬故派里民牧養又潼關衛弓兵工食私派朝邑
人琮申革之河壩衝地十餘頃人琮勘實請豁額賦三千七百

餘兩滇黔之變軍書旁午處置悉中機宜督臣獎其廉幹擢貴州道御史

黃家鼎穎上人康熙初任咸寧知縣時寇逆未靖軍需孔亟家鼎幹濟有方兵民悉便自奉尤儉約嘗羹旬蔬食不厭會撫臣賈漢復修陝西通志家鼎延本邑陳生大經楊生生芝共成縣志八卷詳而潔簡而明允稱典則尋擢兵部主事士民遮道泣留得

旨復任以勞瘁卒官

吳樹聲江寧人進士任畧陽令撫字催科聲績茂著畧邑地當衝要時寇氛未靖樹聲設計防禦支應芻糧一以忠勤從事尋至殞身畧人哀而慕之公舉祀名宦

梅遇字品章南城人順治丙戌舉人康熙三年任鄱令鄱自明季

屢經兵燹順治初設官招墾胥吏果機捏報逋欠日積遇請於上官虛糧得減邑西北境多石田遇相度地勢於邑東南引古橫渠屈流四十里繞西北入渭由是石田盡成沃壤更設義倉建啟聖祠營文昌閣士民咸沐其德

鄧永芳攸縣人順治戊戌進士康熙三年知蒲城縣徵糧斷獄以慈惠著稱蒲民咸感其德又有蒲令關琇者當辛未壬申間關輔大祲琇力行荒政全活甚衆蒲民尤德之琇河南新安人乙丑進士

郭維藩奉天人廕生康熙三年任武功知縣邑當東西孔道郵政久弛每計畝責民市馬芻茭槽櫪諸費歲更不貲維藩請復官馬之制民困獲甦渭水爲關中巨川邑南東皆臨渭又漆漳二水縈紆中貫民田歲多坍沒維藩曰奈何使田委洪流賦加赤

子耶於是力請蠲除包賠之害始杜邑舊有王祿田如干頃多爲豪強影占維藩親行勘丈尺寸無隱不致橫累齊民在任六年擢監察御史

朱尚義奉天義州人康熙五年由拔貢授安定令初安定民徃石嘴驛應役守候淹久深以爲苦尚義力請裁革又慮差役騷擾鄉村用木皂以代之隆冬煮粥以濟貧乏聽訟必開誠勸導有罪者蒲鞭示辱而已行取河南道御史

文秉濂全州人順治丁酉舉人康熙七年知淳化甫下車即以廓清積弊爲已任爲政寬猛兼濟淳邑浮糧自

國初蠲免後節年捏報新墾復多溢額逋賦秉濂泣訴臺使者以去就爭之事乃寢民感其德爲建祠以祀之

楊鏞河南舉人康熙八年任麟遊令有應變才滇黔之亂凡

重役極力擔荷爲民籲免岫山賊嘯聚檄到縣鑣即夕定謀率鄉兵殲之以軍功陞遼陽知州

一林逢泰晉江舉人康熙八年由隴西令調三水獐奸剔弊志在澄清邑文廟公署久圯逢泰即捐俸修復城垣倉庫次第整理及王輔臣之變訓練鄉勇修飭城守邑賴以全至免荒糧豁逃丁及改徵折色房稅地稅諸議尤見其實心愛民云

林世榕海陽人康熙己酉舉人任藍田令藍自兵燹後民多失業世榕招集流亡散給牛種由是農務大興田野大闢尤慎於獄獄情矜法疑多所全省嘗捐貲葺韓子祠以柳州祔享以柳嘗尉藍田故也解組之日圖書外無長物云

陳琰蘄水人康熙十年由舉人任臨潼知縣蒞事精敏興除有法甲寅之變徵輸如蝟琰不事敲朴百姓急公恐後官兵駐西郊

琛布衣徒步手挈壺簞犒之民間之芻茭器具無不立應其感孚如此擢耀州知州

郭傳芳字九芝大同威遠衛人由選貢授咸寧縣佐攝邵陽長安篆俱有聲遷富平知縣滇逆之變涼寇竊發傳芳偵賊將入境乃乘霧搗巢斬獲有功時軍書旁午傳芳轉輸有法民不告勞嘗大聲語人曰爲百姓即所以爲朝廷聞者皆服

張焜字大啟南昌人舉人授永壽縣令縣七被寇躡城舍煙蕪焜至僦居麻亭寨築城結茅民始寧宇邑故無井澗飲病渴焜披榛步尋得泉山巔疏導入城父老相傳此宋呂公大防惠民泉涸廢數百年一旦復之是歲田穀多雙穗至有六穗八穗者逆桂反莫洛經畧漢中檄焜參贊軍務以勞成疾卒

翟世琪字湛持益都人順治己亥進士任韓城知縣性嚴決人莫

敢犯康熙十四年柳溝營遊擊李師膺以裁餉激變琪悉力撫慰勢不可制遂及二子皆遇害

盧侯天門人商南知縣在任殉難康熙十七年

贈陝西按察司僉事

予祭葬

按商州志不載盧令姓氏楚志亦未詳殉難始末但以十七年卹典考之當係吳逆作亂時事

張發辰字庚干杞縣人康熙庚戌進士十八年除臨潼令禁黥科歛歲凡三千餘金時軍興旁午輓運豆米往來頻數雖年方強仕而鬚髮早衰平時聽斷明決庶政畢舉行取後念民有舊欠濱河地稅爲捐貸以清之

遲維城廣寧人康熙十九年任華陰令歷任五載嚴禁刁風獎拔善類創建朱子祠於華山雲臺觀之右春秋奉祀二十二年奉調各路兵馬回陝十州縣供運車輛俱集三河口值大風雪人

畜凍餓有至斃者維城單騎赴關晝轉運策兵民兩便

俞璉字商臣蕭山人令三原時值歲祲勞心撫字賑粥給貧全活甚衆又招徠流民數千戶履畝勸墾不辭况瘁卒官

杜俊章字芝圃扶溝人由舉人任扶風知縣慈惠廉明以維持風俗爲先嘗有兄弟成訟者輒撫躬自責曰教化未及遂致鬩牆此司牧者之過也訟者尋皆悔悟和好如初

湯應武直隸龍門人由教諭陞漢陰令性不喜繁苛亦不以簡畧廢公一日坐廳事民有小過當杖杖輒重謂行杖者曰彼罪當死耶忍令死汝手也立釋之民皆感泣

陳昌言字禹欽山陰人知朝邑十年脩舉廢墜學宮行署及村鎮社學皆次第營構邑有大事必集衆詳議所舉行無絲毫病民遷信陽州牧邑人有去後思

姚士塾字庠若桐城人歲貢由碭山教諭遷朝邑知縣教民敦行課農桑嚴賭博清理朝蒲兩邑地界植柳誌之督民墾荒不避炎暑竟中疾告歸康熙五十七年祀名宦

張如錦長洲人康熙壬戌進士初宰商河補長安未蒞任復調淳化精於吏治所行俱實政淳化邑志創自明隆慶間百數十年文獻無徵如錦搜羅軼事訂定成書

鈕琇字玉樵吳江人拔貢康熙二十七年知白水多惠政三十一年歲大祲奸民乘機劫掠蒲城尤悍不可制臺司擇幹員署邑篆即以屬琇琇至立置蠹吏二人於法得羣盜訊實取亂首沉諸河邑中股栗解官後嘗摺扇單衣獨行蒲市中豪強見者猶斂手琇性坦易好遊覽所至輒錄其風土著書名曰觚賸其秦觚則宰白水時筆也

陳明經綏陽人康熙丙午鄉薦二十八年知咸寧值歲饑

九重軫念民艱發帑出粟明經實力奉行以是雖遭歉歲民無失所
三十年大蝗明經齋戒至田所祭之蝗不爲災田禾無損秦中
久經兵燹郡邑冊籍無徵明經履畝核實兼并侵欺之弊爲之
一清今士民歌思不置

周宣暘鄖西人進士康熙二十九年知臨潼歲祲盜起巨憖王金
山嘯聚驪山西南又渭北布袋賊出沒櫟陽勢甚熾宣暘計擒
之立置於法潼民以寧

蔣陳錫常熟人康熙乙丑進士三十年授富平令甫至值關輔大
饑流移載道陳錫立捐千金設廠煮粥以食饑者全活無算復
捐貲收瘞道殣又念富邑瀕河水利久弛於是躬行阡陌疏故
渠帶直城文昌各渠咸享灌溉之利後歷官雲貴總督

竇斯在沁水人由教習授保安令攝靖邊同知所至有聲績康熙
壬申癸酉間西醜跳梁斯在年逾七旬詣當事請自效不許乃
固請或以其老卻之憤而起白髭盡張曰斯在男子也以老廢
奈何當事壯之令督運斯在走塞外徃還萬里口不言勞比得
疾猶商榷邊事口條手畫咸中肯綮歿後貧不能殮士民賻之
乃歸葬

林鑛字學海慈谿人康熙庚辰進士任宜君令邑當南北孔道徃
來厨傳盡取給於民鑛大加裁捐又陋例編審丁賦豪猾率以
賄免鑛精心勾考酌定科則隱匿者輒摘示之民大畏服宜邑
山林阻深虎狼接跡鑛招集流亡樵採日廣雖擔夫牧豎不逢
不若其歸也士民勒碑圖像比之召父

范光曦鄞縣人拔貢康熙四十年任麟遊令爲政不務虛名脩文

廟闢邑城南門表揚節孝禁同姓爲婚及溺女者有樂戶乘荒
歲買良曦爲除籍擇配士民誦之

